



07377

月令輯要卷二十

十二月令

天道

月卦臨

原易臨剛浸而長本義臨進而凌逼於物也

增周易集解乾九二見龍在田干寶

曰陽在九二十二月之時自臨來也

栗烈

原詩二之日栗烈疏二之日建丑之月

日在婺女

原禮季冬之月日在婺女

月令輯要

卷二十一十二月令

天道

中星

原禮昏婁中旦氏中淮南子註婁西方白虎之宿氏東方蒼龍之宿

律中大呂

原禮律中大呂集說大呂丑律長八寸二百四十三分寸之百四

增漢書律歷志大呂呂旅也言陰大旅助黃鍾宣氣而牙物也位於丑

在十二月淮南子大呂之數七十六主十二月下生夷則白虎通十二月律謂之大呂何大大也呂者拒

也言陽氣欲出陰不許也呂之為言拒者旅抑拒難

之也許善心神雀頌

歲次上章律諧大呂

日窮于次

原禮日窮于次疏日窮于次者謂去年季冬日次於元枵從此以來每引移次他辰



月窮于紀原禮月窮于紀疏月窮于紀者紀猶會也
去年季冬月與日相會於元枵自此以來

月與日相會在於他辰至此月窮
盡還復會於元枵故云月窮于紀

星回于天原禮星回于天疏星回于天者謂二十八
宿隨天而行每日雖周天一匝早晚不同

至於此月復其故處與去年季
冬早晚相似故云星回于天

數終歲始原禮數將幾終歲且更始疏幾近也以去
年季冬至今年季冬三百五十四日未滿

三百六十五日未得正終唯近於終
故云數將幾終此月既終歲且更始

日在北陸增左傳日在北陸疏日
在北陸夏之十二月也

月今輯要卷二十十二月令 天道二

涂月原爾雅十
二月為涂

招搖指丑原淮南子季冬之月招搖指丑增晉書樂
志十二月之辰謂為丑丑者紐也言終始

之際以紐
結為名也

極寒增易稽覽圖冬至
後三十日極寒

陰陽南還增春秋繁露冬月盡而陰陽俱南還陽南
還出於寅陰南還入於戌此陰陽所始出

地入地之
見處也

物動用事原說文丑紐也十二月萬物動用
事象手之形時加丑亦舉手時也

杪歲

增晉書桓彝傳論交霜雪於杪歲晦風雨於將晨

剛柔始交

增周易集解屯剛柔始交而難生崔憬曰十二月陽始浸長而交於陰故曰剛柔始

交萬物萌芽生於地中有寒冰之難故言難

艮止

增周易集解艮以止之苟爽曰謂建丑之月消息畢止也

大禁月

增田家五行十二月謂之大禁月忽有一日稍暖即是大寒之候

季冬

原梁元帝纂要十二月曰季冬傅休奕詩季冬時慘烈猛寒不可勝

暮冬

原梁元帝纂要十二月曰暮冬杜甫詩高唐暮冬雪壯哉舊瘴無復似塵埃

月令輯要

卷二十二 十二月令

天道三

暮歲

原梁元帝纂要十二月曰暮歲盧諶歲暮詩豐壘圓象運悠悠方儀廓忽忽歲云暮遊原采蕭

藿

杪冬

原梁元帝纂要十二月曰杪冬除月暮節

窮冬

增杜甫詩窮冬急風水江山雲物昏

臘雪

增皇甫冉西齋對雪詩對酒開齋晚開軒臘雪時花飄疑節候色淨潤簾幃

蕭子雲歲暮直廬賦

原日躔女度歲華云暮衡輕炭燥權重泉涸藏元武於太陰蟄

騰蛇於高霧日臨圭而易落居中杵而南儵凝寒氣於廣庭洞曾陰於端廡

歐陽修漁家傲詞

增十二月巖凝天地閉莫嫌臺榭無花卉惟有酒能欺雪意增豪氣

直教耳熱

笙歌沸

增節序

火星中

增周禮天官凌人斬冰註火星中大寒冰方盛之時疏火星中謂十二月平旦火星中於

十二月小寒節大寒中是冰方盛之時也

初臘

原史記秦紀惠文君十二年初臘正義十二月臘日也秦惠文王始效中國為之故云初臘獵

禽獸以歲終祭先祖因立此日也風俗通臘者獵也言田獵取獸以祭祀其先祖也或曰臘者接也新故

月令輯要卷二十一十二月令節序四

交接故大祭以報功也

嘉平

原史記秦始皇紀三十一年十二月更名臘曰嘉平茅盈內紀始皇三十一年九月庚子盈高

祖父濛字初成乃於華山之中乘雲駕龍白日升天先是其邑謠歌曰神仙得者茅初成駕龍上升入太

清時下元洲戲赤城繼世而往在我盈帝若學之臘嘉平始皇聞謠歌而問其故父老具對曰此仙人之

謠勸帝求長生之術於是始皇欣然乃有尋仙之志因改臘曰嘉平

臘明日

增史記天官書臘明日人眾卒歲一會飲食發陽氣故曰初歲

小寒

原淮南子冬至加十五日斗指癸則小寒音比應鍾增三禮義宗小寒為節者亦形于大寒故

謂之小言時寒

氣猶未極也

大寒

原淮南子小寒加十五日斗指丑則大寒音比無射增三禮義宗大寒爲中者上形于小寒故

謂之大十一月一陽爻初起至此始徹陰氣出地方盡寒氣併在上寒氣之逆極故謂大寒

蒼陽雲

增易通卦驗小寒合凍蒼陽雲出氏

黑陽雲

增易通卦驗大寒問與羊博士視其雲雨因降雪黑陽雲出心

戌臘

原後漢書禮儀志季冬之月星廻歲終陰陽以交勞農大享臘註漢氏以午祖以戌臘午南方

故以祖冬者歲之終物畢成故以戌臘增風俗通臘者所以迎刑送德也大寒至常恐陰勝故以戌日臘

月令輯要卷二十二月令節序五

戌者溫

瘦羊博士

原後漢書甄宇傳註建武中每臘詔書賜博士一羊羊有大小肥瘦時博士祭酒議

欲殺羊分肉又欲投鉤字恥之因先自取其最瘦者由是不復有爭訟後召會問瘦羊博士所在京師因

以號

黃羊祀竈

原後漢書陰興傳初陰氏世奉管仲之祀謂爲相君宣帝時陰子方者至孝有仁恩

臘日晨炊而竈神形見子方再拜受慶家有黃羊因以祀之自是以後暴至巨富田有七百餘頃輿馬僕

隸比於邦君故後常以臘日祀竈而薦黃羊焉

用漢祖臘

原後漢書陳寵傳寵曾祖父咸莽召以為

閉門不出入猶用漢家祖臘人問帝曰臘

其故咸曰我先人豈知王氏臘乎

臘會

原後漢書鄭元傳註元年十一二隨母還家正臘會同列十數人皆美服盛飾語言閑通元獨

漠然如不及母私督數之乃曰此非我志不在所願也

三戌為臘

原說文冬至後三戌為臘祭百神增西溪叢語宋用漢臘蓋冬至後第三戌火墓日

也

賜祀門戶直

增漢官儀臘賜大將軍三公錢各二十萬牛肉二百斤粳米二百斛特進侯十

月令輯要

卷二十一十二月令

節序六

五萬卿十萬校尉五萬尚書三萬侍中將大夫各二萬千石六百石各七千虎賁羽林郎二人共三千以

為祀門

戶直

臘臘

原風俗通韓子書山居谷汲者腰臘而買水楚俗常以十二月祭飲食也又曰嘗新始殺也食

新曰

臘臘

稱臘別名

原獨斷四代稱臘之別名夏日嘉臘

五帝臘祖

原獨斷五帝臘祖之別名青帝以未臘卯祖赤帝以戌臘午祖白帝以丑臘酉祖黑

帝以辰臘子祖黃帝以辰臘戌祖魏臺訪議王者各以其行之盛祖以其終臘水始生於申盛於子終於

辰故水行之君以子祖辰臘火始生於寅盛於午終於戌故火行之君以午祖戌臘木始生於亥盛於卯終於未故木行之君以卯祖未臘金始生於巳盛於酉終於丑故金行之君以酉祖丑臘土始生於未盛於戌終於辰故土行之君以戌祖辰臘

歲終大祭

原獨斷臘者歲終大祭縱吏民宴飲非迎氣故但送不迎

元枵之次

增月令章句自須女二度至危十度謂之元枵之次小寒大寒居之齊之分野人

臘蜡同日

原玉燭寶典臘者祭先祖蜡者報百神同日異祭也長編建隆四年和峴言聖朝以

臘前七日蜡恐不應於禮請祭不費其祀小歲依開元故事蜡臘同用戌日

月令輯要

卷二十二 十二月令

節序七

小歲

原四民月令臘明日謂小歲進酒尊長修刺賀君師徐爰家儀蜡本施祭故不賀其明為小歲

賀稱初歲福始慶無不宜

節日取柴

原晉書范喬傳喬邑人臘夕盜斫其樹人有告者喬陽不聞邑人愧而歸之喬往喻

曰卿節日取柴欲與父康對母相歡娛耳何以愧為

神農置臘

增物原神農初置臘節

口脂

原唐書百官志中尚署臘日獻口脂酉陽雜俎臘日賜北門學士口脂蠟脂盛以碧鏤牙筒柱

甫臘日詩臘日常年暖尚遙今年臘日凍全消侵陵雪色還萱草漏洩春光有柳條縱酒欲謀良夜醉還

家初散紫宸朝日脂面藥

隨恩澤翠管銀罌下九霄

伏獵侍郎原唐書嚴挺之傳李林甫與張九齡同輔政戶部侍郎蕭昞林甫所引不知書嘗與

挺之言稱丞嘗伏臘乃為伏獵挺之白九齡省中而有伏獵侍郎乎乃出吳岐州刺史

滕六巽

原幽怪錄晉州刺史蕭至忠將以臘日出獵前一日有樵者見禽獸百許祈于元冥

使者使者令老麋祈於東谷嚴四嚴四曰若令滕六降雪巽二起風不復出矣天未明忽風雪大作刺史

不復出

竊食祭先

原歲華紀麗矜竊食註韓卓字子助陳留人臘日奴竊食祭先人卓義其心矜而免

月令輯要

卷二十二 月令

節序八

之

賜神藥

原歲華紀麗尹軌或賜於神藥註尹軌字公度晉太康元年臘日過洛陽城西一家求宿

主人以明旦是臘意不容又以會聞公度名因為設酒至旦乃賜主人神藥一丸而去

脂花餠

原雲仙雜記洛陽人製食糖百種而于元其家臘日造脂花餠

種麥豆

增種樹書臘日種麥及豆來年必熟

萱草麪

增食譜張手美家臘日萱草麪

獨立仙

增清異錄孟和時每臘日內官各獻羅體圈金花樹子梁守珍獻忘憂花縷金于花上曰

獨立

臘日校獵

增宋史禮志太宗常以臘日校獵諭從臣曰臘日出狩以順時令緩轡從禽是非荒

也回幸講武臺張樂賜羣臣飲遼史禮志臘儀臘十

二月辰日前期一日詔司獵官選獵地其日皇帝皇

后焚香拜日畢設圍命獵夫張左右翼司獵官奏成

列皇帝皇后升舉敵烈脉都以酒二尊盤殮奉進北

南院大王以下進馬及衣皇帝降輿祭東畢乘馬入

圍中皇太子親王宰羣官進酒分兩翼而行皇帝始

獲兔羣臣進酒上壽各賜以酒至中食之次親王大

臣各進所獲及酒訖賜羣臣飲還宮應曆元年冬漢

遣使來賀自是遂以為常儀劉禹錫連州臘日觀莫

徭獵西山詩海天殺氣薄蠻軍步伍囂林紅葉盡變

月令輯要卷二十二月令節序九

原黑草初燒圍合繁鉦息禽興大旆搖張羅依道口

嗾犬上山腰猜鷹慮奮迅驚鹿時踟跳瘴雲四面起

臘雪半空消箭頭餘鵠血鞍旁見

雉翹日暮還城邑金笳發麗譙

賜貢使衣馬增遼史太宗紀會同八年十二月戊辰臘賜諸國貢使衣馬

炒伍佻尉原遼史禮志臘辰日天子幸北南臣僚並戎服戊夜坐朝作樂飲酒等第賜甲仗羊

馬國語謂是日為炒

伍佻尉炒伍佻戰也

內椒井中原養生要論十二月臘夜令人持椒臥井旁無與人言內椒井中除疫病

權德輿臘日龍沙會詩

簾外寒江千里色林中罇酒七人期寧知臘日龍沙會

却勝重陽
落帽時

蘇軾臘日遊孤山訪惠勤惠思二僧詩

增天欲雪雲滿湖樓臺明

滅山有無水清石出魚可數林深無人鳥相呼臘日不歸對妻孥名尋道人實自娛道人之居在何許寶雲山前路盤紆孤山孤絕誰肯廬道人有道山不孤紙窓竹屋深自暖擁褐坐睡依團蒲天寒路遠愁僕夫整駕催歸及未晡出山迴望雲木合但見野鶻盤浮圖茲遊淡薄歡有餘到家恍如夢遽遽作詩火急追亡逋清景一失後難摹

楊萬里臘裏立春詩

增嫩日催青出東茱小風吹白落疎梅殘冬未放春交割早有

月令輯要

卷二十一十二月令

節序十

黃蜂紫蝶來

日次

初一日

禮高里祠后土

增漢書武帝紀太初元年十二月禮高里祠后土東臨勃海望祠蓬萊又

郊祀志十二月甲午朔上親禪高里祠后土臨勃海將以望祀蓬萊之屬幾至殊庭焉

設會作樂

增北史西域傳波斯國尤重十二月一日其日人庶以上各相命召設會作樂以極

娛歡

玉華殿雪詩

增

宋史禮志雍熙三年十二月一日大雨雪帝喜御玉華殿召宰臣及近臣謂

日春夏以來未嘗飲酒今得此嘉雪思與卿等同醉又出御製雪詩令侍臣屬和

進太平總類

增

實錄太平興國八年十一月庚辰詔史館所修太平總類一千卷宜令日進

三卷朕當親覽焉自十二月一日為始宰相宋琪等言曰天寒景短日閱三卷恐聖躬疲倦上曰朕性喜讀書頗得其趣開卷有益豈徒然也

因知好學者讀萬卷書非虛語耳

賜餐

增

玉海淳化二年十二月丙寅朔上御文德殿羣臣入閣禮畢賜百官廊下餐

十二月一日夜南嶽夫人作與許長史

增

靈谷秀瀾榮藏身栖巖

月令輯要

卷二十

十二月令

日次二

京被褐均袞龍帶索齊玉鳴形盤幽遼裏擲神太霞庭霄上有陞賢空中有真聲仰我曲晨飛案此綠軒軒下觀八度內俯歎風塵縈解脫遺波浪登此眇眇身擾競三津竭奔馳割爾齡

十二月一日夜南嶽夫人又吟寄許玉斧詩

增

飛輪高晨臺

控轡元壘隅手携紫皇袂條忽八風驅玉華翼綠幃青帟扇翠裾冠軒煥崔巍珮玲帶月珠薄入風塵中塞鼻逃當塗臭腥涸我氣百阿令心徂何不飈然起蕭蕭步太虛

楊慎十二月朔旦南郊扈從省牲詩

增

天仗雲門外宵衣曉漏前蒼

龍旂影動朱鷺鼓聲傳星爛甘泉燭霜清泰時烟南郊新警蹕重觀孝皇年

初二日

其時應懸頭白髮黑面其意而高者中又

降聖閣

增唐會要天寶七載十二月二日玄機降聖閣元皇帝降於朝元閣改為降聖閣

承天節

原宋史真宗紀乾德六年十二月二日生於開封府第至道三年八月庚子命以十二月

二日為承天節

修官制

增玉海元祐八年十二月二日乙巳左僕射呂大防言乞倣唐六典置局修官制一書以

為國朝大典詔於秘書省置局令范祖禹王欽臣編修宋匪躬晁補之檢討

白鶴橋

原句容縣志茅山形如已字亦名已山漢承元間茅氏兄弟三人乘鶴至此今縣東三里

月令輯要卷二十二月令 日次三

有白鶴橋大茅君以嘉平月二日駕白鶴會羣仙處

初三日

賜綾袍

增唐會要貞元八年十二月三日賜文武常參官綾袍

初四日

石鼎聯句

增韓愈石鼎聯句詩序元和七年十二月四日衡山道士軒轅彌明自衡下來舊與

劉師服進士衡湘中相識將過太白知師服在京夜抵其居宿有校書郎侯喜新有能詩聲夜與劉說詩彌明在其側貌極醜白鬚黑面長頸而高結喉中又作楚語喜視之若無人彌明忽軒衣張眉指鑑中石

鼎謂喜日子云能
詩能與我賦此乎

上九朝通略增玉海淳熙十一年十二月四日知台
州熊克上九朝通畧一百六十八卷一

百册詔
遷一官

白居易荅崔賓客晦叔十二月四日見寄詩增今歲
日餘二

十六來歲年登六十二尚不能憂眼下身因何更算
人間事居士忘筌默默坐先生枕麴昏昏睡早晚相
從歸醉鄉醉鄉
去此無多地

初五日
月令輯要

卷二十十二月令 日次三

宴崇德殿增宋史禮志景德二年十二月五日宴尚
書省五品諸軍都指揮以上契丹使於崇

德殿時契丹初來賀承天節擇膳夫五人齋本國
異味就尚食局造食詔賜膳夫衣服銀帶器帛

復置宗學增玉海嘉定九年十二月五日始復置宗
學改教授為博士又置諭收隸宗正寺於

是宗室疏遠
者咸得就學

五豆粥增澤州志十二月初五日稻
黍果豆和煮為粥曰五豆粥

初六日

幸薦福寺增唐詩紀事景龍二年十二月六日上幸
薦福寺鄭愔詩先成宋之問後進鄭愔詩

舊邸三乘闕佳辰萬騎留蘭圖奉葉偈芝蓋拂花樓
國會人王法宮還天帝遊紫雲成寶界白水作禪流
雁塔昌基遠鸚林睿藻抽忻承大風曲竊預小童謳
宋之問詩香刹中天起宸遊滿路輝乘龍太子去駕
象法王歸殿飾金人影窓搖玉女扉稍迷新草木徧
識舊庭闌水入禪心定雲從寶思飛欲知皇劫遠初

拂六

銖衣

初七日

宋哲宗生

原宋史哲宗紀熙寧九年十二月七日己丑生於宮中赤光照室又禮志哲宗即位

宰臣請以十二月八日為興龍節哲宗本七日生以避僖祖忌故後一日

月令輯要

卷二十一 十二月令

日次吉

勃泥歲節

原宋史外國傳勃泥國以十二月七日為歲節地熱多風兩國人宴會鳴鼓吹笛擊

鉞歌舞

為樂

張九成十二月初七日述懷詩

增謫居寂寞歲將闌几案凝塵酒盞乾落

落雨聲簷外過情
惜雪意座中寒

初八日

逐疫

增荆楚歲時記十二月八日為臘日諺言臘鼓鳴春草生村人並擊細腰鼓戴胡頭及作金剛

力士以

逐疫

祭竈神

增荆楚歲時記十二月八日為臘日其日並

於甌盛於盆言以甌為樽益盛饌也許慎五經異義云顓頊有子曰黎為祝融火正祝融為竈神姓蘇名

吉利婦姓
王名搏頰

法王料斗

增食譜張手美家臘八法王料斗

浴蠶

原蠶書臘之日聚蠶種沃以牛溲浴於川毋傷其藉迺縣之農政全書臘八日以桑柴灰或草

灰淋汁以蠶連浸焉一日而出繼以雪水浸之懸乾或懸桑木之上以冒雨雪三宿而收之則耐養

臘八粥

原乾淳歲時記八日寺院及人家用胡桃松子乳葦柿栗之類作粥謂之臘八粥帝京景

月令輯要

卷二十二月令

日亥五

物畧十二月八日人家效菴寺豆

果雜米為粥供而朝食曰臘八粥

浴佛

原事物紀原譬喻經云佛臘月八日降伏六師投佛請死言佛以法水洗我心垢今我請僧洗

浴以除身穢仍為常緣則設浴之事西域舊俗也亦今臘月灌佛之始

增東京夢華錄十二月初八日街巷中有僧尼三五人作隊念佛以銀銅紗羅或好盆器坐一金銅或木佛像浸以香水楊枝洒浴排門教化諸大寺

作浴佛會

合臘藥

增乾淳歲時記八日醫家多合藥劑有以虎頭丹八神屠蘇貯以絳囊饋遺大家謂之臘

藥

王侯臘原瑣碎錄臘八日名王侯臘

喜雪賦詩增玉海淳化三年十二月八日大雪數年來涉冬無雪至是降及尺餘上喜賜近臣

宴於中書詔令盡醉上賦詩親以八分書遣中使就宴所賜之是日又詔秘書監李至會三館學士宴於

秘閣凡應制賦增詩者二十五人博良回向一公

渾儀成增長編皇祐三年十二月八日司天夏官正李用誨言重定渾儀鑄造已成欲乞依唐李

淳風一行舊制紀年
月以永將來從之

納冰增帝京景物畧十二月八日先期鑿冰方尺至日納冰窖中鑑深二丈冰以入則固之封如阜

月令輯要卷二十二 十二月令 日次去

浸豆米飼蠶增務本新書臘八日新水浸菜豆晒乾又淘白米控乾以上二物收頓以備大

眠起用拌
桑葉飼蠶

孟浩然臘月八日於剡縣石城寺禮拜詩增石壁開金像香山

倚鐵圍下生彌勒見回向一心歸竹柏禪庭古樓臺世界稀夕嵐增氣色餘照發光輝講席邀談柄泉堂

施浴衣願承功德
水從此濯塵機

虞集臘八日雪詩增僧粥曉分驚臘日獵圍晨出憶殘年白頭長與青山對華屋誰為

翠黛
憐

初九日

對華重共荷一荷味吸樹根王
補藥留外外將疑靈器莫絲春裝王

慶善宮

增唐會要武德六年十二月
九日以武功宮改為慶善宮

修蒲津橋

增唐會要開元九年十二月九日
津橋絙以竹葦引以鐵牛命兵部尚書張

說刻石

為頌
王前魏劉二年十五氏

觀御篆殿額

增玉海治平元年十二月九日
召輔臣觀御篆孝嚴殿額於迎陽門遂御延和

殿賜

神光立雪

增傳燈錄神光聞達磨六士住止
彼日夕參承師常端坐面牆莫聞誨勵其

月令輯要

卷二十二 月令 日欠七

年十二月九日夜天大雨雪光堅立不動遲明積雪
過膝潛取利刀自斷左臂置於師前師知是法器因

與易名
曰慧可

初十日

元化門校獵

增玉海建隆二年十二月初十日
出元化門校獵

進孝經解

增玉海紹興十年十二月初十日
全一進孝經解命為太學職事

方岳十二月十日詩

增酒醒開門雪滿山徑穿疎竹
上危欄溪山與我俱成畫草樹

惟梅大耐寒留伴夜深銀鑿落莫緣春近玉
闌珊老枝擎重供詩嚼一洗相如渴肺肝

十一日

暫乘車轎

增雲麓漫抄故事百官入朝並乘馬政和三年十二月十日以雪滑特許暫乘車

轎不得入宮門

增候路通依常

論書法

增玉海紹興七年十二月十一日諭輔臣曰劉光世喜書前日來乞朕所臨蘭亭敘亦以

一本賜之因論書法甚詳遂及法帖曰其間甚有可議如古帝王帖中有漢章帝千文千文是梁周興嗣所作何緣章帝書之舉此一事其他可知豈不悞後學者

十二日

月令輯要

卷二十十二月令

日次六

特開延英

增舊唐書張茂昭傳元和五年冬十二月十二日至京師故事雙日不坐是日特開

延英殿對茂昭五刻乃罷

宣示琴阮

增玉海至道元年十月十二日止以新

與鄭衛不同朕求古人之意有未盡者增琴為九絃曰君臣文武禮樂正民心為五絃阮曰金木水火土別造新譜凡三十七卷

俾太常樂工肄習之

藏蠶子

增海寧縣志臘月十二日養蠶之家各以鹽

出之浴於川

以待春至

百福日原道經十二月十二日太素三元君朝真謂之百福日

十三日蘇軾詩

建神御庫增玉海康定元年十二月十三日判太常宋祁言太廟藏神御及汾寶法物已滿夾

室廟壙狹不可更為藏室請於宗正寺西偏別建神御庫命宗寺領之

十四日

拜逍遙公增唐詩紀事景龍三年十二月十四日幸韋嗣立莊拜嗣立逍遙公名其居曰清虛

原幽栖谷

月令輯要卷二十十二月令 日次 元

置常平倉增唐會要貞觀十三年十二月十四日壬午詔於洛相幽徐齊并秦蒲等州置常平

倉粟藏九年米藏五年下濕之地粟藏五年米藏三年皆著於令

閱馬射增玉海咸平三年十二月十四日幸殿前指揮使班院閱馬射遂宴射後苑上七中的

蘇軾十二月十四日夜微雪明日早往南谿小酌詩

增南溪得雪真無價走馬來看及未消獨自披榛尋履跡最先犯曉過朱橋誰憐屋破眠無處坐覺村飢

語不囂惟有暮鴉知客意驚飛千片落寒條

十五日

蘇軾詩十二月十四日夜微雪明日早往南谿小酌詩

幸白鹿觀

增唐詩紀事景龍三年十二月十五日幸白鹿觀趙彥昭應制雲驂驅半景星躡坐

中天國誕元宗聖家尋碧落仙玉杯鸞薦壽寶算鶴知年一睹光華旦忻承道德篇

占城祭天

原文獻通考古城國每歲十二月十五日城外縛木爲塔王及人民各以衣物香藥

置於塔上焚之以祭天

上受釐頌

增王海嘉祐四年十二月十五日磁州防禦使承亮上裕享受釐頌詔獎之

宋郊十二月望日禁中作

增閏曆先春破臘寒綵花金勝籠千官冰從太液池

邊動柳向靈和殿裏看瑞氣因風飄禁仗暖暉依日上仙盤須知聖運隨生殖萬國年年共此歡

月令輯要卷二十二十二月令

日亥子

十六日

天竺臘

原齊民要術天竺十二月十六日爲臘臘麥熟

星回節

原王谿編事南詔以十二月十六日爲星回節其日遊於避風臺命清平官賦詩其國謂

詞臣爲清平官

喜雪宴

增王海嘉祐三年十二月十六日詔從臣觀河南所進芝草諭曰今日嘉雪大滋宿麥自

勝芝草瑞也是日南宮華旦承天嘉慶

進旁通冊

增王海景德七年十二月十六日詔朝廷封椿錢物令尚書省歲終具旁通冊進入

祭廁姑

增吳郡志十二月十六日
婦女祭廁姑男子不得至

脫災迎福

增元史祭祀志每歲十二月十六日以後
選日用白黑羊毛為線帝后及太子自頂

至手足皆用羊毛線纏繫之坐於寢殿蒙古巫覡念
咒語奉銀槽貯火置米糠於其中沃以酥油以其烟
熏帝之身斷所繫毛線納諸槽內又以紅帛長數寸
帝手裂碎之唾之者三併投火中即解所服衣帽付
巫覡謂之脫舊

災迎新福云

孔武仲十二月十六日後殿朝謁詩

增晨光先到帝
王州別殿珠簾

不上鈎萬歲聲齊山獻壽九門朝退海分流
參差雉尾回丹陛杳遠雞聲下禁樓年少曾來奏詞賦鈞天

月令輯要

卷二十二 十二月令

日次五

却記夢
中遊

十七日

元武門侍射

增張說元武門侍射詩序開元之初季
冬其望天子始御北闕朝羽林軍禮脩

事厥後二日乃命紫微黃門九卿六事與熊羆之將
爪牙之臣合宴焉脩以純錦頒以珍器爾其射棚新
成布侯既設禦仗林立帷軒霧布眾官半醉皇情載
悅卷珠箔臨玉除唐弓在手夏箭斯發應弦命中屬
羽連飛弧矢以來未之有也于時繁雲覆城大雪飛
苑天人同澤上下交歡退食懷恩賦詩頌義凡若干
篇詩射觀通元闕兵欄闔御筵雕弧月半上畫的暈
重圓羿后神幽贊靈王法暗傳貫心精四返飲羽妙

三聯雪鶴來銜箭星麟下集
弦一逢軍宴洽萬慶武功宣

撰朝會二舞儀

增玉海元祐四年十二月十七日始命大樂正葉防撰朝會二舞儀式曰

威加海內之舞曰化成天下之舞威加海內舞為猛賁趨速之狀坐作進退之儀以成一變化成天下舞作三揖三辭三謙之儀以成一變儀式既具再命協律郎陳沂按閱節奏詳備自是朝會則用之

降金壇

原雲笈七籤太微元清左夫人太微之上真也晉興寧三年乙丑十二月十七日與太元

真人眾真降於句曲金壇真人楊羲之室吟北淳宮中歌詞曰鬱藹非真墟太元為我館元公豈有瓊縈蒙孤所難落鳳控紫霞矯轡登晨嘯寂寂無濠涯暉暉空中觀隱芝秀鳳丘逡巡瑤林畔龍胎嬰爾形八

月令輯要

卷二十一十二月令 日次三

瓊迴素旦琅華繁玉宮結葩凌巖粲鵬扇絕億嶺拊翻扶霄翰西庭命長歌雲璈棄虛彈八風纏綠宇叢烟豁然散靈童擲流金火微啓辭案三元折腰舞紫皇揮袂讚朗朗扇景輝睡瞍長庚煥超駟聳明刃下

眇使我惋顧哀地仙輩何為棲林澗

十八日

請開五節堰

增唐會要武德八年十二月十八日水部郎中姜行本請於隴州開五節堰引

水通運

許之

注周易

增玉海至和元年十二月十八日宋咸上注周易十卷詔褒諭

夢得鶴雛

增湧幢小品黃熒莆田人正統庚寅母林氏夢虛空中紫衣人呼授以物舉衣承之

得鶴雛是歲臘月十有八日生公鑒形者謂之鶴相冠帶衣履書畫百物精緻度潔居宇絕一塵既老樂

五松號五松居士

人謂得鶴之性

十九日

置律學

增唐會要律學顯慶元年十二月十九日于志寧奏置隸詳刑寺

蘇東坡生日

增年譜仁宗皇帝景祐三年丙子先生生於是年十二月十九日乙卯時原蘇

軾詩集元豐五年十二月十九日東坡生日也置酒赤壁磯下踞高峯俯鵲巢酒酣笛聲起於江上客有

月今輯要

卷二十二月令

日次重

郭古二生頗知音謂坡曰笛聲有新意非俗工也使
人問之則進士李委聞坡生日作新曲曰鶴南飛以
獻呼之使前則青巾紫裘要笛而已既奏新曲又快
作數弄嘹然有穿雲裂石之聲坐客皆引滿醉倒委
袖出佳紙一幅曰吾無求於公得一絕句足矣坡笑
而從之山頭孤鶴向南飛載我南遊到九疑下界何
人也吹笛可憐
時復犯龜茲

二十日

習儀注

增隋書禮儀志陳制先元會十日百官並習儀注令僕以下悉公服監之設庭燎街闕城

上殿前皆嚴兵百官各設部位而朝宮人皆於東堂
隔綺疏而觀宮門既無籍外人但絳衣者亦得入觀

隨軍脩史

增唐會要開元八年十二月二十日詔張說脩國史仍齋史本就并州隨軍修撰

蘇軾元豐四年十二月二十日詩

增聞說官家取乞聞將軍旗鼓捷如

神故知無定河邊柳具其管轄外已支與亦錢得共中原雪絮春

二十一日

幸臨渭亭

增唐詩紀事景龍二年十二月二十一日幸臨渭亭李嶠等應制李嶠詩同雲接野

烟飛雪暗長天拂樹添梅色過樓助粉妍光含班女扇韻入楚王絃六出迎仙藻千箱答瑞年

置算學

增唐會要算學貞觀二年置算學

月令輯要卷二十一十二月令 日次

築會昌城

增唐會要天寶六載十二月二十一日壬戌築會昌城於湯所置百司及公卿邸第

御樓觀酺

增宋史禮志雍熙元年十二月二十一日御丹鳳樓觀酺召侍臣賜飲自樓前至朱雀門張樂作山車早船往來御道又集開封府諸縣

及諸軍樂人列於御街音樂襍發觀者溢道縱士庶遊觀遷市肆百貨於道之左右召

畿甸耆老列坐樓下賜之酒食

置應在司

增玉海淳化五年十二月二十一日初置諸州應在司具元管新收已支現在錢物

申省

青昔

續文獻通考段氏之先名儉魏者佐蒙氏有功六傳生思平有異兆國主揚于真忌捕之思

平逃匿飢摘野桃剖之核有文曰青昔思平拆之曰
青乃十二月昔乃二十一日吾當以是日舉義遂借
兵逐楊氏而有蒙國改國號曰大理

二十二日

太學生習射

增玉海乾道九年十二月二十二日臣
寮請令太學生習射上曰玉津燕射唯

武臣射文臣亦當與
可討論典故以聞

藏闔

增遼史禮志藏闔儀至日北南臣僚常服入朝
皇帝御天祥殿臣僚依位賜坐契丹南面漢人

北面分朋行闔或五或七籌賜膳入食畢皆起頃之
復坐行闔如初晚賜茶三籌或五籌罷教坊承應若

月令輯要

卷二十二月令

日次

帝得闔臣僚進酒訖以次賜酒大康二年
十二月二十二日始行是儀是日不御朝

甜羹潤筆

增李之儀跋古柏行後政和元年十二月
二十二日積雪初霽希韓德循攜茶相期

於天寧圓若虛首座之天竺軒希韓出此紙見邀作
字輒以是應之既終二君又作山藥芋頭蘿蔔晚菘

號甜羹為潤筆
真一段佳事

二十三日

編成陰陽書

增玉海元豐元年十二月二十三日提
舉司天監被旨校定館閣及私家所藏

陰陽書置庫藏之編
成七百十九卷上之

白居易十二月二十三日詩

案頭曆日雖未盡向後唯殘六七行牀下酒

瓶雖不滿猶應醉得兩三場病身不許依年老拙宦
虛教逐日忙聞健偷閑且勤飲一杯之外莫思量

二十四日

祀九宮貴神

唐會要天寶三載十二月二十四日親祀九宮貴神於東郊帝開黃

降聖節

宋史禮志大中祥符元年以聖祖十降聖

種楊

種樹書種水楊須先用木椿釘穴方入楊庶
不損皮易長臘月二十四日種楊樹不生蟲

祭竈

原范成大村田樂府序臘月二十四夜祀竈其
說謂竈神翌日朝天白一歲事故前期禱之詩

月令輯要

卷二十一

十二月令

日次

壬

古傳臘月二十四竈君朝天欲言事雲車風馬小留
連家有盃盤豐典祀猪頭爛熟雙魚鮮豆沙甘鬆粉
餌圓男兒酌獻女兒避酌酒燒錢竈君喜婢子鬪爭
君莫聞猫犬觸穢君莫嗔送君醉飽登天門杓長杓
短勿復云乞取利市歸來分謝承舉送神辭赤烏墮
城塵土昏人家火急催宵殮庖夫膳吏遞走速涓塵
擁篲當厨門張筵布簀舉燈燭送神上天朝帝闈黃
飴紅餠粲鋪案青芻紫椒光堆盆濛烟雲下車馬
恍惚霧靄飄蘭蓀使者已飽馬已飼我欲留神神不
滯星旗雲轡去如風九萬天衢片時至紺裘赤舄趨
掖庭稽首帝前備陳事切須公語母隱容迺者降休
逆者崇公廳紛紜爭務繁私家細瑣猶多類一年一
度送神行記得

人間二十四

二十三

案頭曆日雖未盡向

交年原乾淳歲時記二十四日謂之交年增熙朝樂事十二月二十四日僧道作交年疏仙米湯以

送檀平吉越

小節夜增乾淳歲時記禁中以餼乘青牛車乘吏關臘月二十四為小節夜增食翁東來乘青牛

迎儺增乾淳歲時記二十四日市井迎日增平更儺以鑼鼓遍至人家乞求利市增風云蘇云平更

佩紙人增同話錄紙錢起於唐時紙畫代人未知起於何時今世禱祀禳禱者用之刻板印染肖男女之形而無口北方之俗歲暮則人畫一

枚於臘月二十四日夜佩之於身除夕焚之

宣聖方原本草綱目每臘月二十四日五更取第一汲井水浸乳香至元旦五更溫熱從小至大

月令輯要卷二十二 月令 日次 壬

每人以乳香一塊飲水三杯則一年無時災孔平仲云此乃宣聖之方孔氏七十餘代用之也

除殘增嘉定縣志十二月二十日除殘

二十五日

老子度關原初學記關令尹內傳曰周元極元年歲在癸丑冬十有二月二十五日老子度函

谷關令尹喜先勅門吏曰若有老翁從東來乘青牛薄板車勿聽過關其日果見老翁乘青牛車求度關

授喜道德經五千言

自揀拜相日增東觀奏記河東節度劉瑑在內署日上深器異大中十年手詔追之既至拜

戶部侍郎判度支十二月十七日次對上以御案曆日付瑑令於下旬擇一吉日瑑不諭旨上曰但揀一拜官日卽得奏二十五日佳上笑曰此日命卿爲相秘世無知者高湜自集賢校理爲鳳翔從事湜卽瑑舊寮也二十四日辭瑑於私第湜曰竊度旬時必副具瞻之望瑑笑曰來日具瞻何旬時也湜驚不敢發詰旦果爰立矣

夢中回文詩

蘇軾記夢回文詩引十二月二十五日大雪始晴夢人以雪水烹小團茶使

美人歌以飲余夢中爲作回文詩覺而記其一句云亂點餘花唾碧衫意用飛燕故事也

口數粥

范成大村田樂府序二十五日煮赤豆作糜暮夜闔家同饗云能辟瘟氣雖遠出未歸

月令輯要

卷二十二 月令

日次 天

者亦留貯口分至襁褓小兒及僮僕皆預故名口數粥詩家家臘月二十五浙米如珠和豆煮大杓轆鐺分口數疫鬼聞香走無處鏤薑屑桂澆蔗糖滑甘無比勝黃梁全家團欒罷晚飯在遠行人亦留分祿中孩子強教嘗餘波徧沾獲與臧新元叶氣調玉燭天行已過來萬福物無疵癘年穀熟長向臘殘分豆粥

爆竹范成大村田樂府序爆竹他郡所同而吳中特盛惡鬼蓋畏此聲古以歲朝而吳以二十五夜詩歲朝爆竹傳自昔吳儂政用前五日食殘豆粥掃罷塵截筒五尺煨以薪節間汗流火力透健僕取將仍疾走兒童却立避其鋒當堦擊地雷霆吼一聲兩聲百鬼驚三聲四聲鬼巢傾十聲百聲神道寧八方上下皆和平却拾焦頭壘牀底猶有餘威可驅癘屏除藥裏添酒杯晝日嬉遊夜濃睡

相暖熱

原

范成大村田樂府序爆竹之夕人家各又於門首燃薪滿盆無貧富皆爾謂之相暖熱

詩春前五日初更後排門然火如晡晝大家薪乾勝豆蕪小家帶葉燒生柴青煙滿城天半白棲鳥驚啼飛格磔兒孫圍坐犬雞忙鄰曲歡笑遙相望黃宮氣應纔兩月歲陰猶驕風栗烈將迎陽艷作好春政要

火盆生

暖熱

原

范成大村田樂府序照田蠶與燒火盆同

照田蠶原村落則以禿帚若麻蕪竹枝輩燃火炬縛長竿之杪以照田爛然徧野以祈絲穀詩鄉村臘月二十五長竿然炬照南畝近似雲開森列星遠如風起飄流螢今春雨電繭絲少秋日雷鳴稻堆小儂家今夜火最明的知新歲田蠶好夜闌風焰西復東此

月令輯要

卷二十二月令

日次

占最吉餘難同不惟桑賤穀芄芄仍更芎麻無節菜無蟲

接玉皇

增

帝京景物畧十二月廿五日五更焚香楮接玉皇曰玉皇下查人間也謝承舉迎神辭

三十六天高幾重珠宮貝闕金芙蓉清都上位玉帝子陛羅將輔排羣龍呼雷叱霆寶幢擁躡雲御氣金輿從魁罡赫赫豹駢下冰雪鋒矛隨萬馬赤脚巨門口吐虹披髮天蓬面塗赭八萬浮塵一霎過來察諸方不平者二十五日年盡時帝來人間人不知

蠶花粥

增

東陽縣志廿五日以赤豆棗栗之類和米煮之謂之蠶花粥云食之利養蠶

雲門一句

增傳燈錄問如何是雲門一句文偃禪師曰臘月二十五

二十六日

坐蓬續文獻通考各官坐蓬節年各省官員俱於十二月二十六日坐起至考察完日止

二十七日

夢書祭春牛文

增志林元豐六年十二月二十七日天欲明夢數吏人持紙一幅其上題

云請祭春牛文予取筆疾書其上云三陽既至庶草將興爰出土牛以戒農事衣被丹青之好本出泥塗成毀須臾之間誰為喜愠吏微笑曰此兩句復當有怒者旁一吏云不妨此是喚醒他

張翥十二月二十七日雪寒奉旨賜宴史局詩

增聖旨恩

月令輯要卷二十二 十二月令 日欠手

榮六賜筵玉音躬聽相臣宣史裁東觀何殊漢人在瀛洲總是仙御酒如春浮浩蕩宮花與雪鬪嬋娟微生此日沾休澤祇望丹宸祝萬年

二十八日

御殿讀春令

增唐會要乾元元年十二月二十八日丙寅立春御宣政殿命太常卿于休烈

讀春令

日戴氣

增玉海淳熙六年十二月二十八日日有戴氣太史奏君德至於天為萬民愛戴則有是

瑞上於是

議蠲租

守歲合食

增乾淳起居注淳熙七年十二月二十八日南內遣御藥并後苑官管押進奉兩宮

守歲合食則劇金銀錢消夜歲軸果兒錦曆鍾馗爆仗羔兒法酒春牛花朶等

范成大除夕前二日夜雨詩

增雪不成花夜雨來隴頭一洗定無埃小童却

怕溪橋滑明日先生合探梅

二十九日

龍見

增唐會要開元十八年十二月二十九日有龍見於池勅太常韋緇草祭儀緇奏祭用二月牲

用少牢樂用鼓鐘奏姑洗歌南呂

月令輯要

卷二十二月令

日次

預為元夕具

增宋史禮志政和五年十二月二十九日詔景龍門預為元夕之具實欲觀民

風察時態黼飾太平增光樂國非徒以遊豫為事特賜公師宰執以下宴

小除

增北京歲華記先除夕一日曰小除人家置酒宴往來交謁曰別歲焚香於戶外曰天香凡三

日止帖宜春字小兒女寫好字

三十日

守歲

原風土記蜀之風俗除夕達旦不眠謂之守歲增東京夢華錄是夜禁中爆竹山呼聲聞於外

士庶之家圍爐團坐達旦不寐謂之守歲唐太宗守歲詩暮景斜芳殿年華麗綺宮寒辭去冬雪暝帶入

春風階馥舒梅素盤花卷燭紅共歡新故歲迎送一宵中杜審言守歲侍宴應制詩季冬除夜接新年帝子王孫捧御筵宮闕星河低拂樹殿廷燈燭上熏天彈絲奏管梅風入對局探鈞柏酒傳欲向正元歌萬壽暫留歡賞寄春前杜甫杜位宅守歲詩守歲阿戎家椒盤已頌花盃簪喧櫪馬列炬散林鴉四十明朝過飛騰暮景斜誰能更拘束爛醉是生涯蘇軾守歲詩欲知垂盡歲有似赴壑蛇修鱗半已沒去意誰能遮况欲繫其尾雖勤知奈何兒童彊不睡相守夜謹譁晨雞且勿唱更鼓畏添搗坐久燈燼落起看北斗斜明年豈無年心事恐蹉跎努力盡今夕少年猶可誇

遣囚歸家

原華陽國志王長文試守江原令縣收得盜賊長文引見誘慰時適臘晦皆遣歸家

月令輯要

卷二十二 月令

日次三

獄先有繫囚亦遣之謂曰教化不厚使汝等如此長吏之過也蜡節慶賞宜就汝歸上下善相懽樂過節來還當爲思他理羣吏惶遽爭請不許尋有赦令無不感恩所有人輟不爲惡曰不敢負王君

國奢

原唐書竇懷貞傳神龍中進左御史大夫會歲除中宗夜宴近臣謂曰聞卿喪妻今欲繼室可

乎懷貞唯唯俄而禁中寶扇障衛有衣翟衣出者已乃韋后乳媪王所謂莒國夫人者故蠻婢也懷貞納之不辭世謂媪壻爲阿奢懷貞每謁見奏請輒自署皇后阿奢而人或謂爲國奢

鍛磨齋

原雲仙雜記都下寺院每用

酒脯祭詩

原金門歲節賈島常以歲除取一年所得詩祭以酒脯曰勞吾精神以是補之

進儺

秦中歲時記歲除日進儺皆作鬼神狀內二老兒儺公儺母**增**乾淳歲時記禁中臘月三十

日呈女童驅儺裝六丁六甲六神之類東京夢華錄至除日禁中呈大儺儀並用皇城親事官諸班直戴假面繡畫色衣執金鎗龍旗教坊使孟景初身品魁偉貫全副金鍍銅甲裝將軍用鎮殿將軍二人亦介冑裝門神教坊南河炭醜惡魁肥裝判官又裝鍾馗小妹土地竈神之類共千餘人自禁中驅祟出南薰門外轉龍轡謂之埋祟而罷王建宮詞金吾除夜進儺名畫袴朱衣四隊行院院燒燈如白日沉香火底坐吹笙

除夕節

增物原巫咸始制除夕節

月令輯要

卷二十二 十二月令

廿次 壹

雞骨卜

原北戶錄南方逐除夜及將發船皆殺雞擇骨爲卜傳古法也

醉司命

增輦下歲時記都人至年夜請僧道看經備酒果送神貼竈馬於竈上以酒糟抹於竈門

之上謂之

醉司命

分歲

增范成大村田樂府序除夜祭其先竣事長幼聚飲祝頌而散謂之分歲詩質明奉祠今古同

吳儂用昏蓋土風禮成廢徹夜未艾飲福之餘卽分歲地爐火煨蒼术香釘盤果餌如蜂房就中脆飴專節物四座齒頰鏘冰霜小兒但喜新年至頭角長成添意氣老翁把盃心茫然增年翻是減吾年荆釵勸酒仍祝願但願尊前且強健君看今歲舊交親大有

人無此盃分老翁飲罷笑捋鬚明朝重來醉屠蘇

賣癡

增范成大村田樂府序分歲罷小兒繞街呼

諱之欲賈其餘詩除夕更闌人不睡厭禳鈍滯迎新歲小兒呼呌走長街云有癡歎召人買二物於人誰獨無就中吳儂仍有餘巷南巷北賣不得相逢大笑相揶揄櫟翁塊坐重簾下獨要買添令問價兒云翁買不須錢奉賒癡歎千百年

大節夜

增乾淳歲時記禁中以臘月三十日為大節夜

消夜果

增乾淳歲時記禁中臘月三十日後苑修內司各進消夜果兒以大合簇釘凡百餘種如

蜜煎珍果下至花錫箕豆以至玉杯寶器珠翠花朵犀象博戲之具銷金斗葉諸色戲弄之物無不備具月令輯要卷二十二月令日食齋

皆極小巧又于其上作玉輅高至三四尺悉以金玉等為飾護以貼金龍鳳羅罩以奇侈求勝

歲軸

增乾淳歲時記禁中臘月三十日后妃諸閣又各進歲軸兒及珠翠百事吉利市袋兒小樣金銀器皿并隨年金錢一百二十文

旋亦分賜親王貴邸宰臣巨璫

爆仗屏風

增乾淳歲時記禁中臘月三十日爆仗有為果子人物等類不一而殿司所進屏風

外畫鍾馗捕鬼之類而內藏藥線一蕤連百餘不絕

迎送六神

增乾淳歲時記除夜比屋以五色錢紙酒果以迎送六神于門

聒廳

增乾淳歲時記除夜黃燭粃盆紅映霄漢爆竹鼓吹之聲喧鬧徹夜謂之聒廳

天行帖兒

增乾淳歲時記除夜貼
天行帖兒財門于楣

照虛耗

原乾淳歲時記除夜明燈牀下謂之照虛耗
輦下歲時記都人至年夜於竈裏點燈謂之

照虛

呼長恩

增秘閣閑話司書鬼曰長恩除夕呼
其名而祭之鼠不敢嚙蠹魚不生

祭扁榜

增程史國學以古者五祀之義凡列齋扁榜
至除夕必相率祭之遂以為爐亭守歲之酌

祝詞惟祈速化而已羣儒執事者帽而不帶以緇代
之謂之叨冒爵中皆有數鴨脚每獻則以酒沃之謂
之僥倖

月令輯要

卷二十十二月令

日次壹

題桃符

增茅亭客話蜀主每歲除日諸宮門
各給桃符一對俾題元亨利貞四字

贊祝火神

增遼史禮志歲除儀初夕勅使及夷离畢
率執事郎君至殿前以鹽及羊膏置爐中

燎之巫及大巫以次贊祝火神
訖閣門使贊皇帝面火再拜

白堊畫門

增瑯嬛記互人國白玉城自女牆至城下
俱以白玉為之鬼不敢入蓋鬼陰物喜黑

而畏白至今除夕人家用白堊繞
門畫城池列干戈之類亦遺意也

鎔金下

增瑯嬛記除夕梅妃與宮人戲鎔黃金散瀉
入水中視巧拙以下來年否泰梅妃一瀉得

金鳳一隻首尾
足翅無不悉備

鏡卜

增

熙朝樂事除夕更深人靜或有禱竈請方抱鏡出門窺聽市人無意之言以卜來歲休咎李

廓鏡聽詞匣中取鏡辭竈王羅衣掩盡明月光昔時長著照顏色今夜潛將聽消息門前地黑人來稀無人錯過朝夕歸更深弱體冷如鐵繡帶菱花懷裏熱銅片銅片如有靈願得照見行人千里形

粃盆

原

熙朝樂事除夕人家祀先及百神架松柴齊屋舉火焚之謂之粃盆煙焰燭天爛如霞布

帝京景物畧

增

除夕夜以松栢枝雜柴燎院中曰燒松盆焮歲也丘瑜長安除夕詩帝城圍鼓迎年急隣院

松盆焮

增

歲明

插芝蔴

增

帝京景物畧十二月三十日插芝蔴稽于門簷廳臺曰藏鬼稽中不令出也

月令輯要

增

卷二十二 十二月令 日次 壬

埋石鎮宅

原

遵生八牋除日掘宅四角各埋一大石為鎮宅主災異不起

接竈

增

嘉定縣志除夕設饌于竈先焚火爐于門迎神而祭之名曰接竈

賽路神

增

東陽縣志除夕具酒饌于門前設祭謂之賽路神

祀牀神

增

海寧縣志除夕以酒果祀牀神祈兒女安寢

舊年燈

增

傳燈錄洪州高安縣建山澄禪師開堂有僧問故歲已去新歲到來還有不受歲者無

師曰作麼生僧曰恁麼即不受歲也師曰城上已吹

臘月三十日

新歲角窻前猶點舊年燈僧曰如何是舊年燈師曰

十日

御製四十一年除夕書懷平生宵旰志七七又將過忘

寢愁暘雨精心勉泰和送寒辭故歲待曙問民疴莫

論新春嬌預憐五噫歌

御製賦得爆竹聲中一歲除是日微雪爆竹連宵不夜

城占年積素卽豐盈維新四始全仁政脩省三朝奠

太平拂曙和風臨上日通晨淑氣擁華清願將柏葉

芳尊酒賜與臣隣共大羹

月令輯要卷二十二 月令 日次 卷一

庾肩吾歲盡應令詩

歲序已云殫春心不自安聊開柏葉酒試奠五辛盤金薄圖

神燕朱泥印鬼丸梅花應可折備為雪中看

唐太宗除夜詩

歲陰窮暮紀獻節啓新芳冬盡今宵促年開明日長冰銷出鏡水梅散

入風香對此歡終宴傾壺待曙光

張子容除日詩

臘月今知晦流年此夕除拾樵供歲火帖牖作春書柳覺東風至花疑

小雪餘忽逢雙鯉贈言是上冰魚

王諱除夕詩

今歲今宵盡明年明日催寒隨一夜去春逐五更來氣色空中改容顏暗裏

迴風光人不覺
已著後園梅

王安石除夜立春詩

增猶殘一夜臘併見兩年春物以終為始人從故得新迎陽朝

剪綵守歲夜傾銀恩賜
隨嘉節無功祇自塵

蘇軾除夜過吳江詩

增東南勝處未忘情老去扁舟復此行小邑歲除無市井下田

水落見農耕雪消西嶺嶒峻出春到平湖鱗
甲生橋下雙蛟耽睡美欲搥千鼓作雷鳴

政典

纘武功

原詩二之日其同載纘武功箋其同者君臣及民因習兵俱出田也不用仲冬亦豳地晚

月令輯要

卷二十 十二月令

政典三

也

取冰

原詩二之日鑿冰冲冲傳冰盛水腹則命取冰於山林冲冲鑿冰之意禮冰方盛水澤腹堅命

取冰集說冰之初凝惟水面而已至此則徹上下皆凝故云腹堅腹猶內也藏冰正在此時故命取冰冰

入則陰事之終也周禮天官凌人凌人掌冰正歲十有二月令斬冰三其凌疏正歲謂夏之建寅為正十

有二月謂建丑之月冰堅腹厚之時令入山斬冰三其凌者凌謂冰室之中三倍納冰備消釋度故也增

張彙觀藏冰詩寒氣方窮律陰精正結冰體堅風帶壯影素月臨凝冬賦凌人掌春期命婦昇鑿來壺色

徹納處鏡光澄魯史曾留問邠詩
舊見稱同觀里社享王道頌還興

居元堂右个

原禮季冬之月天子居元堂右个註元堂右个北堂東偏

大難旁磔

原禮命有司大難旁磔註此難難陰氣也難陰始於此者陰氣右行此月之中日歷

虛危虛危有墳墓四司之氣為厲鬼將隨強陰出害人也疏旁磔者旁謂四方之門皆披磔其牲以禳除陰氣增後漢書禮儀志先臘一日大儺謂之逐疫其儀選中黃門子弟年十歲以上十二以下百二十人

為侏子皆赤幘皂製執大毬方相氏黃金四目蒙熊皮元衣朱裳執戈揚盾十二獸有衣毛角中黃門行之冗從僕射將之以逐惡鬼於禁中夜漏上水朝臣會侍中尚書御史謁者虎賁羽林郎將執事皆赤幘陛衛乘輿御前殿黃門令奏曰侏子備請逐疫於是中黃門倡侏子和曰甲作食刑腓胃食虎雄伯食魅月令輯要卷二十十二月令政典堯

騰簡食不祥攬諸食咎伯奇食夢強梁祖明共食磔死寄生委隨食觀錯斷食巨窮奇騰根共食蠱凡使十二神追惡凶赫女軀拉女幹節解女肉抽女肺腸女不急去後者為糧因作方相與十二獸儺囉呼周徧前後省三過持炬火送疫出端門門外騶騎傳炬出宮司馬闕門門外五營騎士傳火棄雒水中百官官府各以木面獸能為儺人師訖設桃梗鬱儡葦茭畢執事陛者罷葦戟桃杖以賜公卿將軍特侯諸侯云物原巫咸始制驅儺張衡東京賦爾迺卒歲大儺毆除羣癘方相秉鉞巫覡操劔侏子萬童丹首元製桃弧棘矢所發無臭飛磔雨散剛瘴必斃煌火馳而星流逐赤疫於四裔

土牛送寒

原禮出土牛以送寒氣註出猶作也送猶畢也增後漢書禮儀志是月也立土牛六

頭於國都郡縣城外丑地以送大寒註是月之昏建丑丑爲牛寒將極是故出其物類形象以示送達之且以升禮陽也

畢祀原禮乃畢山川之祀及帝之大臣天之神祇註四時之功成於冬孟月祭其宗至此可以祭其

佐也帝之大臣句芒之屬天禮命漁師始漁天子親往乃嘗

嘗魚薦廟原禮是月也命漁師始漁天子親往乃嘗

常事重之也此時魚潔美增金史禮志天德二年命有司議薦新禮十二月羞以魚

豫備東作原禮冰以入令告民出五種命農計耦耕

事修耒耜具田器集說冰入之後大寒將

月令輯要卷二十二月令 政典 甲

退令典農之官告民出其所藏五穀之種計度耦耕之事耦謂二人相偶也揉木爲耒斲木爲耜今之耜以鐵爲之田器鎡基之屬凡治田所用者也此皆豫備東作之事陽事之始也

大合吹原禮命樂師大合吹而罷註歲將終

與族人大飲作樂於大寢以綴恩也

收薪柴原禮乃命四監收秩薪柴以共郊廟及百祀

析謂之薪小者合束謂之柴薪施炊爨柴以給燎

專農民原禮專而農民毋有所使註言專一女農民役之則志散失業也

飭典論令

原禮天子乃與公卿大夫共飭國典論時令以待來歲之宜集說國典有常飭之以

應來歲之變時令有序論之以防來歲之差歲既更始故事亦有異宜者

賦犧牲

原禮乃命大史次諸侯之列賦之犧牲以共皇天上帝社稷之饗註此所與諸侯共之也

列國有大小也賦之犧牲大者出多小者出少饗獻也又乃命同姓之邦共寢廟之芻豢註此所以與同姓共也芻豢猶犧牲又命宰歷卿大夫至于庶民士田之數而賦犧牲以共山林名川之祀註此所與卿大夫庶民共者也歷猶次也卿大夫采地亦

制國用

原禮冢宰制國用必於歲之杪五穀皆入然後制國用

月令輯要

卷二十二 月令

政典聖

陳玉

原周禮春官天府季冬陳玉以貞來歲之媿惡註問事之正曰貞問歲之美惡謂問於龜大小

職大貞之屬陳玉陳禮神之玉

獻吉夢

原周禮春官占夢季冬聘王夢獻吉夢于王王拜而受之註聘問也夢者事之祥吉凶之

占在日月星辰季冬日窮于次月窮于紀星回于天數將幾終於是發幣而問焉若休慶之云爾因獻羣臣之吉夢於王歸美焉

計獄弊訟

原周禮秋官司寇歲終則令羣士計獄弊訟登中於天府註上其所斷獄訟之數

為酒合族

原王居明堂禮季冬命國為酒以合三族君子說小人樂

考德正法

增家語古者天子常以季冬考德正法以觀治亂

納卵菘

原夏小正納卵菘傳卵菘也者本如卵者也納者何也納之君也

虞人入梁

原夏小正虞人入梁傳虞人官也梁者主設罟罟者也

商正

增逸周書其在商湯用師於夏除民之災順天革命改正朔變服殊號一文一質示不相從以

建丑之月為正

祭司寒

增左傳黑牡秬黍以享司寒註夏十二月日在虛危冰堅而藏之秬黑黍也司寒元冥北方之神故物皆用黑有事於冰故祭其神唐書百官志上林署季冬藏冰千段先立春三日納之冰井以

月今輯要

卷二十二月令

政典聖

黑牡秬黍祭司寒

白瑞

增公羊傳王正月疏王者應以十二月為正則命以白瑞

助宣物

增國語元間大呂助宣物也註十二月日大呂坤六四也元一也陰繫於陽以黃鍾為主

故曰元間大呂助陽宣散物也

遣吏上計

增史記范睢傳三歲不上計註凡郡長治民進賢勸功決訟檢姦常以歲盡遣吏上

計

置廷尉平

增漢書宣帝紀地節三年十二月初置廷尉平四人秩六百石

官獄

淮南子十二月官獄註十
二月歲盡刑斷故官獄也

稅加舊制

增後漢書光武帝紀建武六年十二月詔
曰今軍士屯田糧儲差積其令郡國收見

田租三十稅
一如舊制

選高才生

增後漢書章帝紀建初八年十二月詔曰
五經剖判去聖彌遠章句遺辭垂疑難正

恐先師微言將遂廢絕非所以重稽古求道真也其
令羣儒選高才生受學左氏穀梁春秋古文尚書毛

詩以扶微學
廣異義焉

立春不報囚

原後漢書章帝紀律十二月立春不以
報囚註報猶論也立春陽氣至可以施

月令輯要卷二十二十二月令 政典 聖

生故不
論囚

臨聽訟觀

增晉書武帝紀泰始四年十二月帝臨
聽訟觀錄廷尉洛陽獄囚親平決焉

班五條詔書

增晉書武帝紀泰始四年十二月班五
條詔書於郡國一曰正身二曰勤百姓

三曰撫孤寡四曰敦
本息末五曰去人事

旌錄吳賢

增晉書元帝紀太興元年十二月癸巳詔
曰漢高經大梁美無忌之賢齊師入魯修

柳下惠之墓其吳之高德名
賢或未旌錄者具條列以聞

臨雍肄禮

增晉書禮志武帝泰始六年十二月帝臨
辟雍行鄉飲酒之禮詔曰禮儀之廢久矣

乃今復講肄舊典賜太常絹百匹丞博士及學生牛酒

洒掃孔墓

宋書文帝紀元嘉十九年十二月詔尼父德表生民功被百代而墳塋荒蕪荆棘

弗剪可蠲墓側數戶以掌洒掃魯郡上民孔景等五戶居近孔子墓側蠲其課役供給洒掃并種松柏六

株

奏新曆

宋書百官志太史令一人丞一人掌三辰時日祥瑞妖災歲終則奏新曆

策試胄子

梁書武帝紀天監九年十二月輿駕幸國子學策試胄子賜訓授之司各有差

立士林館

南史梁武帝紀大同七年十二月於宮城西立士林館延集學者

月令輯要

卷二十二月令

政典

年終放囚

南史謝方明傳加晉陵太守復為驃騎長史南郡相嘗年終江陵縣獄囚事無輕

重悉放歸家使過正三日還到罪重者二十餘人綱紀以下莫不疑懼時晉陵郡送故主簿弘季咸徐壽

之並隨在西固諫方明不納一時遣之囚及父兄並驚喜涕泣以為就死無恨至期有重罪一人醉不能

歸鄉村責讓率領將送竟無逃者遠近歎服焉

衆文經

北史魏道武帝紀天興四年冬十二月集博士儒生比衆經文字義類相從凡四萬餘

字號曰衆文經

求舜後

北史魏孝文帝紀延興元年十二月詔求舜後獲東萊人媯荷之復其家畢世以彰盛

德之
不朽

制陣法

增魏書高宗紀和平三年十二月乙卯制戰陣之法十有餘條因大讎耀兵有飛龍騰地

魚麗之變以示威武舊唐書職官志凡兵馬在府每歲季冬折衝都尉率五教之屬以教其軍陣戰鬪之法也具在

教習簿籍

置諫院印

增舊唐書文宗紀太和九年十二月辛卯置諫院印諫院舊無印有章疏各於本司

請印人多知之至是特敕置印兼詔諫臣論事有關機密別以狀列之

蜡祭百神

增舊唐書禮儀志季冬寅日蜡祭百神於南郊大明夜明用犢二神農氏伊耆氏各

月今輯要

卷二十二 十二月令

政典 聖

用少牢一后稷及五方十二次五官五方田畷五嶽四鎮四瀆以下方別各用少牢一當方不熟者則闕之

正齒位

增唐書禮樂志季冬之月正齒位則縣令為主人鄉之老人年六十以上有德望者一人

為賓次一人為介又其次為三賓又其次為眾賓年六十者三豆七十者四豆八十者五豆九十者及主人皆六豆賓主燕飲則司正北面請賓坐賓主各就席立司正適筐跪取觶興實之進立於楹間北面乃揚觶而戒之以忠孝之本賓主以下皆再拜司正跪奠觶再拜跪取觶飲卒觶興賓主以下皆坐司正適筐奠奠觶興降復位乃行無算爵其大抵皆如鄉飲酒禮

立石九經

增唐會要太和七年十二月敕於國子監講論堂兩廊創立石九經并孝經論語爾

雅共一百五十九卷字樣四十九卷

螭頭記事

增唐會要太和九年十二月敕宜令起居郎起居舍人準故事入閣日賚紙筆

于螭頭下
記言記事

定太學生額

增燕翼詒謀錄元豐二年十二月乙巳神宗命畢仲衍蔡京范鍾張璪詳定於

太學創八十齋三十人為額通計二千四百人
丙上舍生百人丙舍生三百人外舍生二千人

賜臘藥

增乾淳歲時記臘月賜宰執親王三衙從官內侍省官并外闈前宰執等臘藥係和劑局

月令輯要

卷二十二 月令

政典 異

方造進及御藥院特旨製造銀合各一百兩以至五十兩三十兩各有差

文苑英華成

增宋會要太平興國七年帝以諸家文集其數至繁各擅所長榛蕪相間乃命

翰林學士承旨李昉閱前代文章撮其精要以類分之為千卷目錄五十卷雍熙三年十二月壬寅書成

號曰文苑英華

建糊名法

增玉海景德四年十二月禮部侍郎周起患貢舉不公因建糊名法

祈雪

增玉海天聖四年十二月于午幸玉清昭應宮開寶寺景靈宮祈雪故事車駕還必作樂前導

上精意以禱命母作樂既雪輔臣皆賀上喜曰力田之民自今有望矣

獻皇極箴

增玉海治平元年十二月庚子知制誥祖無擇獻皇極箴英宗善其言詔褒答之

資治通鑑成

增玉海元豐七年十二月戊辰資治通鑑書成二百九十四卷止起戰國下終

五代凡一千三百六十二年又畧舉事目年經國緯為目錄三十卷參考羣書評其同異俾歸一塗為考異三十卷合三百五十四卷詔書獎諭賜銀帛衣帶鞍馬上諭輔臣曰前代未嘗有此書過荀悅漢紀遠矣

封長白山

增金史禮志長白山太定十二年有司言長白山在興王之地禮合尊崇議封爵建

廟宇

十二月禮部太常學士院奏奉敕旨封興國靈應王即其山北地建廟宇

月令輯要 卷二十二 十二月令 政典 聖

民

衣褐卒歲

原詩無衣無褐何以卒歲疏言此二陽之月大寒之時無衣無褐不可終歲

擊菓除田

增國語及寒擊菓除田以待時耕註菓稟同寒謂季冬大寒之時也

迎新

增荆楚歲時記歲暮家家具肴菽對黃昏諸宿歲之位以迎新年相聚酣飲

餽歲

增風土記蜀之風俗晚歲相與餽問謂之餽歲蘇軾餽歲詩農功各已收歲事得相佐為歡恐

無及假物

不論貨山川隨出產貧富稱小大賓盤巨鯉橫發籠雙兔臥富人事華靡絲繡光翻座貧者愧

不能微擊出春磨官居故人少里巷言

佳節過亦欲舉鄉風獨唱無人和

民

別歲增風土記蜀之風俗晚歲酒食相邀為別歲蘇軾別歲詩故人適千里臨別尚遲遲人行猶可

復歲行那可追問歲安所之遠在天一涯已逐東流水赴海歸無時東隣酒初熟西舍彘亦肥且為一日

歡慰此窮年悲勿嗟舊歲別行與新歲辭去去勿回顧還君老與衰

奧肉增齊民要術作奧肉法先養宿豬令肥臘月中殺之擊訖以火燒之令黃用煖水梳洗之削刮

令淨剝去五臟豬肪燭取脂肉嚮方五六寸作令皮肉相兼著水令相淹漬於釜中燭之肉熟水氣盡更

以向所燭肪膏煮肉大率脂二升酒三升鹽三升令脂渡沒肉緩水煮半日許乃佳漉出甕中餘膏仍瀉

肉甕中令相淹漬食時水煮令熟而調和之如常肉法尤宜新韭新韭爛拌亦中炙噉其二歲豬肉未堅

月令輯要卷二十一十二月令 民用 哭

爛壞不任作也

苞肉增齊民要術苞肉法十二月中殺豬經宿汁盡浥浥時割作棒炙形茅管中苞之無管茅稻稈

亦得用厚泥封勿令裂裂復上泥懸著屋外北陰中得至七八月如新殺肉

茗草增齊民要術茗草色青黃紫華十二月稻下種之蔓延殷盛可以美田葉可食

魚醬增齊民要術作魚醬法去鱗淨洗拭令乾如膾法披破縷切之去骨大率成魚一斗用黃衣三

升白鹽二斤乾薑一升橘皮一合和令調均內甕子中泥密封日曝熟以好酒解之作魚醬肉醬皆以十

二月作之則經夏無蟲

雞頭合藥

原齊民要術十二月東門磔白鷄頭可以合法藥

懸豬羊耳

增齊民要術懸臘月豬羊耳著堂梁上大富

甜肥脯

增齊民要術作甜肥脯法臘月取麀鹿肉片厚薄如手掌直陰乾下著鹽脆如凌雪也

五味脯

增齊民要術五味脯法臘月初作用鵝鴈鷄鴨鶻雉兔鷓鴣生魚皆得作乃淨治去腥竅及翠上脂瓶全浸勿四破別煮牛羊骨肉取汁浸豉和調一同五味脯法浸四五日嘗味徹便出置箔上陰乾炙熟槌亦

名瘰腊亦名瘰魚腊

肥脯

增齊民要術作肥脯法臘月初作任為五味脯者皆中作唯魚不中耳白湯熟煮掠去浮沫欲

月令輯要卷二十二月令民月

去釜時尤須急火急則易燥

置箔上陰乾之甜脆殊常

培樹

增種樹書禾自南而北多枯寒而不枯只於臘月去根傍土麥穰厚覆之燃火深培如故則不一二年

皆結實

斑皮竹笋

增北戶錄湘源縣十二月食斑皮竹笋諸笋無以及之

黑太陽

增清異錄黑太陽法出自韋邠公用精炭搗治作末研米煎粥搜和得所豫辦圓鐵範滿

內炭末運鐵鎚實擊五七十下出範陰乾盛寒爐中熾數枚烘燃徹夜晉人獸炭豈此類耶

土栗

增山家清供芋名土栗小者煨乾入甕候寒月用稻草盦熟色香如栗名土栗雅宜山舍擁爐

之夜

供

酒蟹蟹譜酒蟹須十二月間作於酒甕間撇清酒不得近糟和鹽浸蟹一宿却取出於罈中去其

糞穢重實椒鹽訖疊淨器中取前所浸鹽酒更入少新撇者同煎一沸以別器盛之隔宿候冷傾蟹中須

令

斫楮皮

經世民事錄穀楮宜澗谷間種之三年可斫取皮以抄紙甚得濟用斫法十二月為上

迎陽種竹

增山家清事種竹法迎陽則取季冬順土氣則取雨時

老酒

增桂海酒志老酒以麥麴釀酒密封藏之可數年士人家尤貴重每歲臘中家家造鮮使可為

月令輯要

卷二十一 十二月令

民用 辛

卒歲計有貴客則設老酒冬鮮以示勤婚娶亦以老酒為厚禮

不壞

冬春米

原范成大冬春行序臘日春米為一歲計多聚杵臼盡臘中畢事藏之土瓦倉中經年不

壞謂之冬春米詩臘中儲蓄百事利第一先春年計米羣呼步碓滿門庭運杵成風雷動地篩勻箕健無

糲糠百斛只費三日忙齊頭圓潔箭子長隔籬耀日雪生光土倉瓦龕分蓋藏不蠹不腐常新香去年薄

收飯不足今年頓頓炊白玉春耕有種夏有糧接到明年秋刈熟鄰叟來觀還歎嗟貧人一飽不可賒官

租私債紛如麻有

米冬春能幾家

臘肭臍

增圖經本草臘肭獸舊說似狐長尾今滄州所圖乃是魚類而豕首兩足其臍紅紫色上

有紫斑點醫家多用之異魚圖云試其臍於臘月衝風處置盂水浸之不凍者為真

兔腦催生

原本草綱目催生用臘月兔腦髓一箇攤紙上夾勻陰乾剪作符子於面上書生字

一箇候母痛極時用釵股夾定燈上燒灰煎丁香酒調下

治聾方

增本草綱目治久聾臘月取鼠膽二枚熊膽一分水和旋取綠豆大滴耳中

狐目

增本草綱目狐目治破傷風臘月收取狐目陰乾臨時用二目一副炭火微燒存性研末無灰

酒服

月令輯要

卷二十二 月令

民曆至

臘雪水

原本草綱目臘雪密封陰處數十年亦不壞用水浸五穀種則耐旱不生蟲

食蒸餅

原瑣碎錄臘月晨起以蒸餅卷猪脂食之終歲不生瘡疥

造門日

原居家宜忌十二月癸丑日造門盜賊不能進

作蠶蓐

增務本新書臘月刈茅草作蠶蓐則宜蠶

梅花茶

原多能鄙事收梅花點茶法臘月梅將開時清旦摘半開花頭帶蒂置瓶內每一兩重用

炒鹽一兩灑之不可用手觸壞以厚紙數重密封置陰處次年取時先置蜜於盞內然後取花二三朶滾

湯一泡茶頭自開香美

鯖魚膽

增居家必用治喉閉方鯖魚膽一枚臘月收入白礬末少許懸西北屋簷下陰乾為末備

急用蘆筒吹入咽喉立瘥

趙孟頫十二月耕詩

增一日不力作一日食不足憐淡歲云莫風雪入破屋老農氣

力衰偃僂腰背曲索綯民事急晝夜互相續飯牛欲牛肥菱藁亦預蓄蹇驢雖劣弱挽車致百斛農事極勞苦歲豈恆稔熟能知稼穡艱天下自蒙福

趙孟頫十二月織詩

增忽忽歲將盡人事可稍休寒風吹桑林日夕聲颼颼墻南地

不凍墾掘為坑溝砍桑埋其中明年芽早抽是月浴蠶種自古相傳流蠶出易脫殼絲纈亦倍收及時不

月令輯要卷二十二月令民用

努力知有來歲不手凍不足惜異免號寒憂

物候

鴈北鄉

原禮鴈北鄉疏鴈北鄉有早有晚早者則此月北鄉晚者二月乃北鄉集說鴈北鄉則順

陽而復也

鵲始巢

原禮鵲始巢疏鵲始巢者此據晚者若早者十一月始巢本草綱目鵲季冬始巢開戶背

太歲向

雉雛雞乳

原禮雉雛雞乳集說雉火畜也感於陽而後有聲雞木畜也麗於陽而後有形

征鳥厲疾

原禮征鳥厲疾註征鳥題肩也齊人謂之擊征疏征鳥謂鷹隼之屬也謂為征鳥如

征厲嚴猛疾捷速也時殺氣盛極故鷹隼之屬取鳥捷疾嚴猛也

鳴弋

原夏小正十有二月鳴弋傳弋也者禽也先言鳴而後言弋者何也鳴而後知其弋也

隕麋角

原夏小正隕麋角傳蓋陽氣旦曙也故記之也

草芽白

增公羊傳王正月疏草物十二月萌芽始白

樹櫟

原淮南子其樹櫟註櫟可以為車轂木不出火惟櫟為然亦應陰氣也

山茶

增酉陽雜俎山茶葉似茶樹高者丈餘花大盈寸色如緋十二月開

月令輯要

卷二十一 十二月令

物候 壹

楷木

增酉陽雜俎蜀楷木蜀中有木類柞木榮時枯楸隆冬方萌芽布陰蜀人呼為楷木

梅花使

增李之儀詞朱脣玉羽下蓬萊佳時近早梅自註朱脣玉羽湖湘間謂之倒挂子嶺南謂

之梅花使十二月半方出

白符芝

增太平御覽仙人採芝圖白符芝高四五尺似梅常以大雪而華季冬而實

箭筍

增荀譜箭筍十二月生會稽以東諸山絕多或叢生或蔓延可如筍大長三四寸

側金盞花

增桂海花志側金盞花如小黃葵葉似槿歲暮開與梅同時

綠橘

增橘錄綠橘比他柑微小色紺碧可愛不待霜食之味已珍留之枝間色不盡變隆冬采之生

新意如

忍冬

原政和本草忍冬味甘溫主寒熱身腫甚則其久服輕身長年益壽十二月采陰乾

木蘭皮

原本草綱目木蘭生零陵山谷及太山皮似桂而厚十二月采皮陰乾

蠟梅

增本草綱目蠟梅小樹叢枝尖葉凡三種以子種出不經接者臘月開小花而香淡名狗蠟梅

經接而花疎開時含口者名磬口梅花密而香濃色深黃如紫檀者名檀香梅

狼膏

增本草綱目狼膏臘月煉淨收之周禮獸人冬獻狼取其膏聚也

水槿

增農政全書水槿細葉小黃花又名水椐臘月斬其條而插之易成大木

月令輯要

卷二十一十二月令 物候 霜

瑒花

增臨江府志江西有一種小白花玉潔而幽香土人以爲瑒花新喻縣東三十里有瑒岡多此

花也俗名水仙又名金盞銀臺殘冬始放

占驗

愆候

原禮季冬行秋令則白露早降介蟲爲妖四鄙入保註戌之氣乘之也又行春令則胎夭多傷

國多固疾命之曰逆註辰之氣乘之也又行夏令則水潦敗國時雪不降冰凍消釋註未之氣乘之也

天皓

增史記天官書赤奮若歲歲陰在丑星居寅以十二月與尾箕晨出曰天皓黥然黑色甚明其

失次有應見參

除夜風占增紀歷撮要除夜東北風五禾大熟

冰占增紀歷撮要冰結後水落主來年旱冰結後水漲各上水冰主水若緊厚來年大水

雪等伴增田家五行十二月下雪而不消名曰等伴主再有雪久經日照而不消亦是來年多水

兆之

赤豆粥增田家雜占臘月二十五夜赤豆粥饒滾則三年大發

火色占原陶朱公書念四夜黃昏時候鄉人束稻草於竿點火在田間行走名曰照田蠶看火色

卜水旱色白主水色赤主旱猛烈年豐歲蕪歲歉取北風為上又除夜燒盆爆竹與照田蠶看火色同是

月令輯要卷二十二月令占驗

夜取安靜為吉

臘前三白原陶朱公書臘前得兩三番雪謂之臘前三白諺云若要麥見三白

立春占原陶朱公書立春在殘年主冬暖諺云兩春合一冬無被暖烘烘

朔日占原通考十二月朔日值大寒主有虎出為災值小寒主有祥瑞東風半日不止主六畜大

災風雨主春旱

霧雨占原陶朱公書臘月有霧露無水做酒醋通考月內有霧亦主來年有水有冷雨暴作主來

年六月七月內橫水

北斗占

原通考常以歲除夜五更視北斗占五穀善惡其星所主明則成熟暗則有損貪狼主蕎

麥巨門主粟祿存主黍文昌主芝蔴廉貞主

麥武曲主粳糯破軍主赤豆輔星主大豆二尺萬

柳眼青

原雜占臘月柳眼青主來年夏秋米賤

雷占

原雜占臘月雷鳴雪裏主陰雨百

雜紀

松柏貞茂

原荀子松柏經隆冬而不凋蒙霜雪而不

雪既降吾是以知松柏之茂也

月令輯要

卷二十一十二月令 雜紀 美

靈鼓化蛇

增穆天子傳季冬甲戌天子東遊飲於留

乃奏廣樂天子遺其靈鼓乃化為黃蛇

赤光照室

原後漢書光武帝紀皇考南頓君初為濟

於縣舍有赤光照室中欽異焉使卜者王長占之長辟左右曰此兆吉不可言

迎鼓

增後漢書東夷傳夫餘國以臘月祭天大會連

十二月音

增白虎通匏之為言施也在十二月萬物

二月之音也物貫地而芽故謂之管

仲都忍寒

增桓譚新論元帝時漢中遇道人王仲都能忍寒乃於盛寒日令袒衣載以駟馬於

昆明池上遠水而走御者厚衣增狐裘甚寒而仲都獨無憂也增吳錄魏文帝至廣陵臨江觀兵兵有十

大寒冰舟

增餘萬旌旗彌數百里權嚴設固守時大寒

冰舟不得入江帝見波濤洶湧歎曰嗟乎固天所以隔南北也遂歸

叩凌得魚

增晉書王延傳延繼母卜氏嘗盛冬思生魚勅延求而不獲杖之流血延尋汾叩凌

而哭忽有一魚長五尺踊出水上延取以進母卜氏食之積日不盡於是心悟無延如已生

禁水不冰

增抱朴子左慈以氣禁水著中庭露之大寒不冰

月令輯要卷二十二 月令 雜紀 卷

藏彊

原荆楚歲時記歲前為藏彊之戲註按周處風土記曰醇以告蜡竭恭敬於明祀乃有藏彊臘

日之後叟姬各隨其儕為藏彊分二曹以較勝負彊字藝經庾闡作鉤字增庾闡藏鉤賦序予以臘後命

中外以行鉤為戲矣增酉陽雜俎舊言藏鉤起於鉤弋蓋依幸氏三秦記云漢武鉤弋夫人手拳時人效之

目為藏鉤也衆人分曹手藏物探取之又令藏鉤剩一人則來往於兩朋謂之餓鴉

著襦煖

原世說韓康伯數歲家酷貧至大寒止得襦母殷夫人自成之令康伯捉熨斗謂康伯曰

且著襦尋作複幘兒云已足不須複幘也母問其故荅曰火在熨斗中而柄熱今既著襦下亦當煖故不

須耳母甚異增之知為國器

穀門 增李尤穀城門銘穀門北中位
當於丑太陰主刑殺伐爲首

辟寒香 增述異記辟寒香丹丹國所出漢武時入貢
每至大寒於室焚之暖氣翕然自外而入

皆減

得著龜 增魏書靈徵志高祖延興元年十二月徐州
竹邑戍士邢德於彭城南一百二十里得著

一株四十九枝下掘得大龜獻之詔曰龜著
與經文相合所謂靈物也德可賜爵五等

獻蒼烏 增魏書靈徵志世宗景明二年十二月南青
州獻蒼烏君修行孝慈萬姓不好殺生則至

禁畜鷲鳥 增魏書釋老志延興三年十二月顯祖因
田鷹獲鷲鴛一其偶悲鳴上下不去帝乃

月令輯要卷二十二月令 雜紀 矣

惕然問左右曰此飛鳴者爲雌爲雄左右對曰臣以
爲雌帝曰何以知對曰陽性剛陰性柔以剛柔推之
必是雌矣帝乃慨然而歎曰雖人鳥事別至於資
識性情竟何異哉於是下詔禁斷鷲鳥不得畜焉

跣行冰上 增北史李順興傳李順興年十餘乍愚乍
智時莫識之其言未來事時有中者盛冬

單布衣跣行冰上及
入洗浴畧不患寒

不服綿絮 增北史徐則傳則入天台山因絕粒養性
所資惟松水而已雖隆冬沍寒不服綿絮

繫白象樹 增酉陽雜俎乾陀國頭河岸有繫白象樹
花葉似棗季冬方熟相傳此樹滅佛法亦

滅

祝河得詔

增

西陽雜俎李彥佐在滄景太和九年有詔詔浮陽兵北渡黃河時冬十二月至濟

南郡使擊冰延舟冰觸舟舟覆詔失李公驚懼不寢食六日鬢髮暴白乃令津吏不得詔盡死吏懼且請公一祝沉浮於河吏憑公誠明以死索之李公乃令具爵酒言祝傳語詰河伯其旨曰明天子在上川瀆山岳祝史咸秩予境之內祀未嘗置爾河伯洎鱗之長當衛天子詔何反溺之予或不獲予齋告於天天將謫爾吏酌冰辭已忽有聲如震河冰中斷可三十丈吏知李公精誠已達乃沉鉤索之一釣而出封角如舊惟篆印微濕耳

暖香

原

雲仙雜記寶雲溪有僧舍盛冬若客至則燃薪火暖香一炷滿室如春人歸更取餘燼

月令輯要

卷二十一

十二月令

雜紀

禿

獻河清頌

增

宋史真宗紀大中祥符三年十二月陝州黃河再清庚戌集賢校理晏殊獻河清頌

噍拳笑面

原

事物紀原江淮之俗每作諸戲必先設噍拳笑面有諸行戲時嘗在故臘之末

觀書賜宴

增

宋史禮志嘉祐七年十二月特召兩府近臣三司副使臺諫官皇子宗室駙馬都尉管軍臣僚至龍圖天章閣觀三聖御書及寶文閣

為飛白分賜下逮館閣官製觀書詩賜韓琦以下和進遂宴羣玉殿傳詔學士王珪撰詩序刊石於閣數日再會天章閣觀三朝瑞物復宴羣玉殿酒行上曰天下久無事今日之樂與卿等共之宜盡醉勿復辭因召韓琦至御榻前別賜一大卮出禁中名花金盤

貯香藥令各持歸莫
不霑醉至暮而罷

賜貂裘帽

宋史王全斌傳全斌之入蜀也適屬冬暮京城大雪太祖設氈帷於講武殿衣紫

貂裘帽以視事忽謂左右曰我被服若此體尚覺寒念西征將衝犯霜雪何以堪處即解裘帽遣中黃門

馳賜全斌仍諭諸將以不徧及也全斌拜賜感泣

碧金僊

清異錄有刁蕭者攜一鏡色碧體瑩背有字曰碧金僊大中元年十二月銅坊長老白

九峰造余以俸粒五石換之置於文瑞堂呼為銅此君

蟄不修葺

厚德錄曹彬所居堂室弊壞子弟請加修葺公曰時方大冬墻壁瓦石之間百蟲

月令輯要卷二十二月令

雜紀卒

所蟄不可傷其生其

仁心愛物蓋如此

打耗

增演繁露湖州土俗歲十二月人家多設鼓而亂搗之晝夜不停至來年正月半乃止問其所

本無能知者但相傳云此名打耗打耗云者言驚去鬼祟也

太平御覽

增實錄太平興國八年十二月庚子太平總類書成凡五十四門詔曰史館新纂太

平總類一千卷包括羣書指掌千古頗資乙夜之覽何止名山之藏用錫嘉稱以傳來裔可改名太平御覽

大小寒

增程史韓平原在慶元初其弟仰肖為知閣門事頗與密議時人謂之大小韓求捷徑者

爭趨之一日內燕優人有爲衣冠到選者自敘履歷材藝應得美官而留滯銓曹方徘徊浩歎又爲日者弊帽持扇過其旁遂邀使談庚甲日者曰君命甚高但於五星局中財帛宮若有所礙日下若欲亨達先見小寒更望成事必見大寒可也優蓋以寒爲韓侍燕者皆縮頸匿笑

太平瑞木

增玉海慶曆三年十二月澧州獻瑞木有文曰太平之道詔送史館劉敞作頌曰上

天之載兮無臭無聲眷我聖德兮告以太平非筆非墨兮自然而成

書賜石湖字

增玉海淳熙十五年十二月辛卯書石湖二字賜范成大成大跋云天縱聖能

游藝超絕經典則高古爲仗義畫體勢奇逸如神禹碑

月今輯要

卷二十二 月令

雜紀 空

萬魚燈

增遼史聖宗紀統和元年十二月甲辰是夕然萬魚燈於雙溪

千齡節

增遼史聖宗紀統和元年十二月戊申千齡節祭日月禮畢百僚稱賀

大玉海

增元史世祖紀至元二年十二月己丑瀆山大玉海成勅置廣寒殿輟耕錄萬歲山在太

液池之陽廣寒殿在山頂中有小玉殿前架黑玉酒瓮一玉有白章隨其形刻爲魚獸出沒於波濤之狀

其大可貯酒三十餘石

射草狗

增元史祭祀志每歲十二月下旬擇日於西鎮國寺內墻下灑掃平地束稈草爲人形一

爲狗一雜色剪綵段爲之腸胃選達官世家之貴重者交射之射至糜爛以羊酒祭之祭畢帝后及太子

嬪妃併射者各解所服衣俾蒙古巫覡祝讚之
祝讚畢遂以與之名曰脫災國俗謂之射草狗

辟蚤虱原山居四要自入臘遇上水日勿令人
見以少水灑薦席毯褥辟狗蚤壁虱

猪脂懸厠原居家宜忌十二月取猪脂四
兩懸於厠中入夏一家無蠅

揭蒲增名勝志洋縣臘節以蒲藻蓋鵝公石上江渚
寒魚皆依之太守泛舟張樂揭取名曰揭蒲

鐵笛亭增名勝志隱屏峰在武夷五曲溪之北有羅
侯洞洞背即鐵笛亭故址亭為李陶真人創

真人以宋熙豐間至武夷出祠牒乃唐開元時所給
真人好吹鐵笛每遇節臘衆道人各於雲房招飲皆
赴諸房笛聲同時並作一日別衆留詩云毛竹森森
自剪裁試吹一曲下瑤臺當途不遇知音聽拂袖白

月令輯要卷二十一十二月令 雜紀 奎

雲歸去來遂吹

鐵笛隱隱而去

得金像增法苑珠林宋元嘉十五年羅順為平西府
將戊十二月放鷹野澤見鷹雉俱落於時火

燒野草惟有三尺許叢草不然遂披而覓鳥
乃得金菩薩坐像工製殊巧遂收而供之

御製靜坐讀書自喻序

朕在暢春園萬幾之暇季冬寒甚連日風雪靜坐讀

書自限文韻偶成二十韻自喻朕原本無學不過經

書成語堆集成句卿等皆老學素望朕所深知其中

韻脚不當平仄不和典故不穩聯句不雅者卽速改
正或成一篇亦未可知

壯年好血氣半老少知聞顧諟惟當謹銘盤不至窘
勵精勉圖治肝食盡民殷性理宗濂洛臨摹倣鵝羣
煌煌勞夢想濟濟詠南薰懸鐘是進德止輦問停雲
懷保編氓苦惠鮮鰥寡留刑服念鄙笑圖書焚
優禮任舟楫憑軒尊典墳前星誠琢磨帝子識羣分

月令輯要

卷二十一

十二月令

雜紀

奎

外戚無矜勢諸王惜舊勲烽煙熄萬里瀚海畏三軍
淮黃關國計漕運致憂勤土木毋輕動民情宜所欣
志廣則寬裕神清息俗紛由來惡旨酒自喻喜玄纁
長歌詠白雪論賦小橫汾幾暇講寥廓提籌算紫氛
乾陽得復轉測景考斜曛有始無終歎爲山一簣僅

晉十二月折楊柳歌

天寒歲欲暮春秋及冬夏苦
心停欲度折楊柳沈亂枕席間

纏綿不

覺久

陶潛癸卯十二月中作與從弟敬遠詩

寢跡衡門下邈與世相

絕顧盼莫誰知荆扉晝長閑淒淒歲暮風翳翳經夕雪傾耳無希聲在目皓已潔勁氣侵襟袖簞瓢謝屢設蕭索空宇中了無一可悅歷覽千載書時時見遺烈高標非所攀謬得固窮節平津苟不由棲遲詎為拙寄意一言外茲契誰能別

李嶠十二月奉教作

玉燭年行盡銅史漏猶長池冷凝宵凍庭寒積曙霜蘭心未

動色梅館欲含芳裴回臨歲晚顧步佇春光

李賀十二月樂詞

日脚淡光紅灑灑薄霜不銷桂枝下依稀和氣排冬嚴已就長日

月令輯要

卷二十一 十二月令

雜紀 畜

辭長

謝良輔憶長安十二時

憶長安臘月時溫泉彩仗新移瑞氣遙迎鳳輦日光先

暖龍池取酒蝦蟇陵下家家守歲傳厄

白居易臘後歲前遇景詠意詩

海梅半白柳微黃凍水初融日欲長度

臘都無苦霜霰迎春先有好風光郡中起晚聽衙鼓城上行慵倚女墻公事漸閑身且健使君殊未厭餘杭

朱子殘臘詩

殘臘生春序愁霖逼歲昏小紅敷豔萼衆綠被陳根陰壑泉方注原田水欲

渾農家向東作
百事集柴門

月令輯要卷二十

月令輯要卷二十十二月令

雜紀
壹



月令輯要卷二十
雜紀壹

月令輯要卷二十一

閏月令

天道

五歲再閏

原易五歲再閏疏凡前閏後閏相去大略三十二月在五歲之中故五歲再閏說文

餘分之月五歲再閏从王在門中增容齋四筆十五

夜為半月兩半月為一月三月為一時兩時為一行

兩行為一年二年半為一雙此由閏故以閏月兼

本月此謂月雙非閏雙也以五年再閏為閏雙

歸餘於終

原左傳先王之正時也履端於始舉正於中歸餘於終註步曆之始以為術之端首

月令輯要

卷二十一

閏月令

天道

一

暮之日三百六十有六日日月之行又有遲速而必

分為十二月舉中氣以正月有餘日則歸之於終積

而為閏故言

非常月

原公羊閏月不告月傳不告月者何不告朔

也曷為不告朔天無是月也閏月矣何以謂

之天無是月是月非常月註所在無常故無政也

積分成月

原穀梁閏月不告月傳閏月者附月之餘

日也積分而成於月者也註一歲三百六

十日餘六日又有小月六積五歲得六

斗指兩辰間

原逸周書閏無中氣斗指兩辰之間增

杜預長曆日行一度而月日行十三度

十九分度之有畸日官當會集此之遲疾以考成晦朔錯綜以設閏月閏月無中氣而北斗邪指兩辰之間所以異於他月也曆術斗星夜隨天左旋各指十二辰之位謂之斗建亦名月建閏月則指十二辰之間

朔不得中

增漢書律歷志朔不得中是為閏月言陰陽雖交不得中不生後漢書律歷志四時

推移故置十二中以定月位有朔而無中者為閏月唐書曆志前朔後朔迭相推校盈朒之課據實為準損不侵朒益不過盈定朔日名與次朔同者大不同者小無中氣者為閏月朱子語類中氣只在本月若躋得中氣在月盡後月便當置閏

月令輯要

卷二十一 閏月令 天道

二

天度畢

增內經常月之制建初立中閏月之紀無初無中縱曆有之皆他節氣也由斯推日成閏

故令天度畢焉

星見閏分

增漢書律歷志以歲閏乘歲數是為星見閏分又推星見月以閏分乘定見以章歲

乘中餘從之盈見月法得一并積中則積月也不盈者名曰月中餘以元月除積月餘名曰月元餘以章月除月元餘則入章月數也以十二除之至有閏之歲除十三入章三歲一閏六歲二閏九歲三閏十一歲四閏十四歲五閏十七歲六閏十九歲七閏不盈者數起於天正算外則星所見月也

推天正

增漢書律歷志推天正以章月乘人統歲數盈章歲得一名曰積月不盈者名曰閏餘閏

餘十二以上歲有閏求地以一間以數也

正加積月一求人正加三三平一閏以數求以積

推閏餘 增漢書律歷志推閏餘所在以十二乘閏餘加十得一盈章中數所得起冬至算外則中

周至 增漢書律歷志周至五十七參閏法得周至

章中 增漢書律歷志章中二百五

統法 增漢書律歷志統法千五百三十九以閏法乘日法得統法

月周 增漢書律歷志月周二百五十四以章月加閏法得月周

月令輯要 卷二十一 閏月令 天道 三

終數為閏 增漢書律歷志易曰天一地二天三地四

凡天地之數五十有五此所以成變化而行鬼神也

并終數為十九易窮則變故為閏法

為義又閏法十九因為章

部首 原漢書律歷志魯歷不正以閏餘一之歲為部首

以爲部首也

三年一閏 增春秋元命苞三年一閏以起紀

紀法也三年加以一閏以成歲也 宋均註 後漢書

張純傳三年一閏天氣小備

閏七曰章

增後漢書律曆志月分成閏閏七而盡其歲十九名之曰章

陽之餘

原白虎通月有閏餘何周天三百六十五度四分度之一歲十二月日過十二度故三年

一閏五年再閏明陰不足陽有餘也故識曰閏者陽之餘

補小月減日

原獨斷閏月者所以補小月之減日以正歲數故三年一閏五年再閏

益歸餘卦

增舊唐書曆志綜中朔盈虛分累益歸餘之卦每其月閏衰註凡歸餘之卦五萬六

千七百六十以上其歲有閏因考其閏衰滿卦限以上其月及合置閏或有進退皆以定朔將中氣裁焉

月令輯要

卷二十一 閏月令 天道

四

積歲如月分數

增唐書曆志麟德曆有總法開元曆有通法故積歲如月分之數而後閏

餘皆盡

朔退朔進

增唐書曆志秦曆上元正月己巳朔晨初立春日月五星俱起營室五度節首日名

皆直四孟假朔退十五日則閏在正月前朔進十五日則閏在正月後是以十有二節皆在盈縮之中而

晨昏宿度隨之

朔不盡氣

增正蒙閏餘生於朔不盡周天之氣朱子語類周天之氣謂二十四氣也月有大小

朔不得盡此氣而一歲日子足矣故置閏

閏餘閏差

原皇極經世日以遲為進月以疾為退日月一會而加半日減半日是以為閏餘也

日一大運而進六日月一大運而退六日是以為閏差也

氣盈朔虛

增蔡沉天說日與天會而多五日九百四十分日之二百三十五為氣盈月與日會

而少五日九百四十分日之五百九十二為朔虛合氣盈朔虛而閏生焉十有九歲七閏氣朔分齊是為一章性理大全氣則二十四氣自今年冬至至來年

冬至前一日計三百六十五日二百三十五分是於三百六十日外多五日二百三十五分者為氣盈朔

則十二月朔自今年十一月初一至來年十一月初一前一日計三百五十四日三百四十八分是於三百六十日內少五日五百九十二分者為朔虛合氣

月令輯要

卷二十一

閏月令

天道

五

盈朔虛而閏生者一歲閏積氣朔之數計十日八百二十七分三歲一閏積氣朔之數三箇十日八百二十七分計三十二日六百單一分五歲再閏積氣朔之數五箇十日八百二十七分計五十四日二百七十五

三統為一元

增沙隨程氏易解七閏為一章二十七章為一會三會為一統三統為一元元

四千六百十七歲冬至甲子朔旦無餘分是謂天統千五百三十九歲甲辰朔旦冬至無餘分是謂地統又千五百三十九歲甲申朔旦冬至無餘分是謂人統

補奇數

增玉海天地之數惟奇則日星以盈閏給也無窮置閏所以補奇數也

長曆紀閏疏數

齊東野語

以杜征南長曆考春秋

有疑焉如隱公二年閏十二月五年七年亦皆閏十二月然猶是三歲一閏五歲再閏如莊公二十年置閏其後則二十四年以至二十八年皆以四歲一閏無乃失之疏乎僖公十二年閏至十七年方閏二十年閏至三十年方閏率以五歲一閏何其愈疏乎如定公八年置閏其後則十年以至十二年十四年皆以二歲一閏無乃失之數乎閏之二年辛酉既閏矣僖之元年壬戌又閏僖之七年八年哀之十四年十五年皆以連歲置閏何其愈數乎至於襄之二十七年一歲之間頓置兩閏蓋曰十一月辰在申司曆過也於是既覺其謬故前閏建酉後閏建戌以應天正然前乎此者二十一年既有閏二十四年二十六

月令輯要

卷二十一

閏月令

天道

六

年又有閏歷年凡六置閏者三何緣至此失閏已再而頓置兩閏乎近則十餘月遠或二十餘年其疏數殆不可曉併著於此以叩識者

初章閏法

性理大全

潛室陳氏曰古曆十九年為一章章有七閏入章三年閏九月六年閏

六月九年閏三月十一年閏十一月十四年閏八月十七年閏四月十九年閏十二月此據元首初章若於後漸積餘分大率三十一年閏至三十二年閏二月則置閏不必同初章

置閏之次

增釋編

一年二年三年第一閏當在此年八月置或進在七月或退在九月者閏亦

有之四年五年六年第二閏當在此年五月置或進在四月或退在六月者亦有之七年八年九年閏第

三閏當在此年二月置或進在正月或退在三月者
間亦有之已上三閏皆是三年一閏十年十一年第
四閏當在此年十月置或進在九月或退在十一月
者間亦有之此是五年再閏十二年十三年十四年
第五閏當在此年六月置或進在五月或退在七月
者間亦有之十五年十六年十七年第六閏當在此
年三月置或進在二月或退在四月者間亦有之已
上二閏皆是三年一閏十八年十九年第七閏當於
此年十二月置或進在十一月或退在明年正月者
有之此是五年再閏右十九歲七閏之次大約如此

炁生于閏

原西域星經月孛紫炁羅睺計都星家謂
之四餘計生于天尾羅生于天首孛生于

月炁生于閏蓋日月行道如兩環相交一處曰天首
一處曰天尾天尾爲計天首爲羅月之行遲速有常
月令輯要卷二十一閏月令天道七

度遲之處卽孛也炁生于閏二十八年十閏而炁行
一周炁孛皆有度數無光象故與計羅同謂之四餘

定閏法

原定月大小日辰閏法歌前九之年二月中
今年元旦日辰同月大月小此爲例次第推

來理自通四十七年前
有閏閏前兩月是今逢

節序

閏正中朔

增周禮春官大史正歲年註中朔曰歲朔
數曰年中朔大小不齊正之以閏疏中數

曰歲朔數曰年者一年之內有二十四氣皆節氣在
前中氣在後節氣一名朔氣朔氣在晦則後月閏中
氣在朔則前月閏節氣有入前月法中氣無入前月
法中氣而則爲歲朔氣而則爲年假令十二月中氣

在晦則閏十二月十六日得後正月立春節此卽朔
數曰年至後年正月一日得啓蟄中此中氣市此卽
是中數

曰歲

小雪當閏

增左傳文公元年閏三月非禮也漢書律
歷志文公元年距辛亥朔旦冬至二十九

歲是歲閏餘十三正小雪閏當在十
一月後而在三月故傳曰非禮也

閏九日

原唐詩紀事景龍二年閏九月九日幸總持
登浮圖李嶠等獻詩李嶠詩閏月開重九真

遊下大千花寒仍薦菊座晚更披蓮利鳳回雕輦
虹間綵旃還將西梵曲助入南薰絃**增**李又詩清蹕
幸禪樓前驅歷御溝還疑九日豫更想六年遊聖藻
輝纓絡仙花綴冕旒所欣延億載寧止慶重秋劉憲
月令輯要卷二十一閏月令節序八

詩重陽登閏序上界叶時巡駐輦天花落開筵妓樂
陳城端利柱見雲表露盤新臨睨光輝滿飛文動睿
神宋之問奉和聖製閏九月九日登莊嚴總持二寺
閣詩閏月再重陽仙輿歷寶坊帝歌雲稍白御酒菊
猶黃風鐸喧行漏天花拂舞行豫遊多景福梵宇日
生光白居易閏九月九日獨飲詩黃花叢畔綠樽前
猶有些些舊管絃偶遇閏秋重九日東籬獨酌一陶
然自從九月持齋戒不醉重陽十五年林光朝閏九
月九日登越王臺詩開陪小隊出山椒爲有吳歌雜
楚謠縱道菊花如昨日要看湯餅作三朝千重嶺海
供橫槩一帶風烟聽採樵憑仗
折衝如此好不應東去更乘輅

小寒雲霧

增宋史律歷志皇祐圭表小寒測景長一
丈二尺四寸二年庚寅閏十一月十五日

戊辰雲
露不測

七閏在冬至前

增宋史律歷志咸淳六年十一月三十日冬至至後為閏十一月既已頒

曆浙西安撫司準備差遣臧元震言曆法以章法為重章法以章歲為重蓋曆數起於冬至卦氣起於中孚十九年謂之一章一章必置七閏必第七閏在冬至之前必章歲至朔同日今算造官以閏月在十一月三十日冬至之後則此一章止有六閏曆法之差莫甚於此

冬至後積分置閏

增宋史律歷志天正冬至乃曆之始必自冬至後積三年餘分而後

可以置
第一閏

月令輯要

卷二十一

閏月令

節序

九

閏歲戌臘

增西溪叢語國朝用漢臘蓋冬至後第三戌火墓日也是為臘已酉年閏八月冬至

後第三戌乃在十一月末太史局著曆遂以十一月第三戌為臘識者云古法遇如此閏歲即以第四戌為臘臘不可在十一月也

閏七日

增王灣閏月七日織女詩耿耿曙河微神仙此會稀今年七月閏應得兩回歸李商隱壬

申閏秋題贈烏鵲詩繞樹無依月正高鄴城新淚濺雲袍幾年始得逢秋閏兩度填河莫告勞

閏中秋

增黃滔閏八月詩無人不愛今年閏月看中秋兩度圓唯恐兩師風伯意至時還奪上樓

天吳文英閏中秋詞丹桂花開第二番東籬展却宴期寬人間寶鏡離仍合海上仙槎去復還 分不盡

半凉天可憐閑剩此嬋娟素娥
未隔三秋夢贏得今宵又倚闌

閏元宵
增吳禮之閏元宵詞銀蟾光彩喜稔歲閏正
元宵還再樂事難并佳時罕遇依舊試燈何

礙花市又移星漢蓮炬重芳人海盡勾引徧嬉遊寶
馬香車喧隘晴快天意教人月更圓償足風流債

嬌柳烟濃天桃紅小景物迥然堪愛巷陌笑聲不斷
襟袖餘香仍在待歸也便相期明日蹋青挑菜張炎

閏元宵詞向人圓月轉分明簫鼓又逢迎風吹不定
蛾兒鬧繞玉梅猶戀香心報道依然放夜何妨款曲

行春錦燈重見麗繁星水影動梨雲今朝準擬花
前醉奈今宵別是光陰簾底聽人笑語莫教運了梅

青

月令輯要 卷二十一 閏月令 節序 十

閏重三
增張雨閏三月三日北山看花詩應笑黃楊
厄閏時後三仍復負芳期老無劉几簪花分

開有陶潛止酒詩穀雨林中先紫筍鬱岡山口
足黃鸝韓湘自倩奴星去袖得瑤臺第一枝

元宵驚蟄
原李夢陽詩春色閏冬後元宵驚蟄
蟄邊輒塵欺月散繁星懸風知不

月次

閏正月

遣使賑賜
增宋書明帝紀泰始三年閏正月
月庚午大雨雪遣使巡行賑賜

移上元節
增宋史禮志政和六年正月七日御筆今
歲閏餘候晚猶未春和暑短氣寒於宴集

無舒緩之樂上元節移

於閏正月十四日為始

增宋史河渠志政和六年閏正月知杭州李偃言湯村巖門白石等處並錢塘江通

大海日受兩潮漸致侵齧乞依六和寺岸用石砌壘乃命劉旣濟修治

造明堂鐘磬

增玉海政和六年閏正月十二日大晟府言神宗命儒臣肇造玉磬藏之樂府

久不施用宜畧加磨礪俾與律合并造金鐘專用於明堂以薦在天之神從之

御製蘇軾集贊

增玉海乾道元年閏正月御製蘇軾集贊曰手扶雲漢幹造化機氣高天

下乃充為之猗嗟若人冠冕百代忠言讜論不顧身害敬想高風恨不同時掩卷三歎播以聲詩選德殿

月令輯要

卷二十一

閏月令

月次

十一

書賜賜高麗知不同

進四經解

增玉海乾道九年閏正月二十三日敷文直學士胡銓言聖訓令臣進所解諸經今

先繕寫周易周禮禮記

春秋四經解詔令投進

增偏得朝陽借力催千金

會輦閏正月十一日呂殿丞寄新茶詩

一銚過溪來會坑貢後春

猶早海上先嘗第一格

獻白兔

增宋書符瑞志孝武帝孝建三年閏二月乙丑白兔見平原獲以獻

賜苑牧地

增魏書世宗紀延昌二年閏二月辛丑以苑牧之地賜代遷民無田者

祠龍池

增唐會要開元二年閏二月祠龍池

減放洛水

增宋史河渠志紹聖四年閏二月楊琰乞依元豐例減放洛水入京西界太白龍坑

及三十六陂充水匱以助汴河行運詔賈種民同琰相度合占頃畝及所用功力以聞

箭竹生米

增宋史五行志咸平二年閏二月宣池歙杭越陸衢婺諸州箭竹生米如稻

考第羣臣

增通鑑武德二年閏二月甲辰上考第羣臣以李綱孫伏伽為第一因置酒高會謂

裴寂等曰李綱差盡忠款孫伏伽可謂誠直朕視視卿如愛子卿當視朕如慈父因命捨君臣之敬極歡而

月令輯要 卷二十一 閏月令 月次 十一

銅渾儀成

增長編祥符三年閏二月甲寅冬官正韓顯符造銅渾儀成并上所著經十卷其制

則本唐李淳風及一行之遺法云

進新校御書

增玉海淳化二年閏二月戊寅秘書監李至進新校御書三百八十卷上從容

謂之曰人之嗜好不可不謹人君當澹然無欲勿使嗜好形見於外則奸佞無自入焉朕他無所欲但喜讀書多見古今成敗善者從

之不善者改之至拜舞稱賀

幸射堂

增玉海祥符三年閏二月二十四日丁卯上幸開封府射堂宴射謂從臣曰朕昔尹京兆

先帝爲創此堂俾之習射周覽久之多所感慕又至西堂閱太宗御書圖畫數十軸遂宴射于射堂上作七言詩從臣畢賦甲戌詔開封府舊射堂宜名曰繼照堂是日設帟張樂許士庶遊觀三日

金華殿賜宴

增玉海祥符三年閏二月二十七日丁丑召輔臣至宣聖殿朝拜太宗聖容帝

作賞景觀花詩以賜從官卽席賦詩又御水心殿垂釣遂宴金華殿小苑花皆太宗命中黃門所植滋茂異常輔臣所未至也

龜茲貢馬

增玉海祥符三年閏二月二十三日壬戌月龜茲貢馬王鞞勒

廣科目

增玉海天聖七年夏竦執政請復制舉廣置科日以收遺才上從之閏二月二十三日壬戌

月今輯要卷二十一閏月令月次

三

子上御延和殿謂宰臣曰近夏竦奏自古得賢則治失賢則亂漢唐之間多選賢良文學之士以條時政得失朕亦欲天下英豪皆登於朝宜廣科日以收賢才於是置賢良方正直言極諫科博達墳典明於教化才識兼茂明於體用科詳明吏理可使從政科識洞韜畧運籌決勝科軍謀閎遠才任邊寄科憲內外朝官不帶臺省館閣職事不犯賊罪及私罪輕者許少卿監以上奏舉或於逐處及閣門進策論十卷每卷五道下兩制看詳詞理優長者召赴秘閣試論六首合格試制策一道又置書判拔萃科應選人除流外人如實有才業者不犯賊罪及私罪情理輕者並於逐處及南曹投狀乞應先錄判詞三十首爲三卷於流內銓或附遞投納本銓差官看詳詞理優長者召試判十道共限二千字以上合格卽就御試又置

高蹈丘園沉淪草澤茂材異等通爲十科並許白衣舉人非工商雜類本路轉運司長吏奏舉或於本貫投狀乞應仍投策論十卷五十道差官看詳委有文行可稱封送禮部選擇召試

建太后宮殿

增玉海元祐元年閏二月十九日丁未詔曰漢家致孝有朝夕供御之廷唐室

承顏嚴歲時慶賀之禮逮於列聖咸有舊章建太皇太后宮曰崇慶殿曰崇慶壽康皇太后宮曰隆佑殿曰隆佑

慈徽

讀三朝寶訓

增玉海紹興五年閏二月二十三日丙寅殿中侍御史張絢言陛下復開經筵

宜倣仁宗時讀三朝寶訓命侍讀之臣如李淑所請進讀帝命講筵錄進讀之

月令輯要

卷二十一

閏月令

月次

丙

鑿古圖

增玉海紹興五年閏二月丙寅上曰朕昨日見毛剛中所進鑿古圖乃仁宗卽位之初采

古人行事之迹繪而成圖便於省閱因以爲鑿

陸游閏二月二十日遊西湖詩

增西湖二月遊人稠鮮車快馬巷無留梨

園樂工教坊優絲竹悲激雜清謳追逐逐下上暮始休外雖狂醒樂則不豈如吾曹淡相求酒肴取具非預謀青梅苦筍助獻酬意象簡樸足鎮浮尚慚一官自拘囚未免疋馬從兩騶南山老翁亦出遊百錢自挂竹杖

頭

閏三月

工部詳議本說轉重行具東奏舉如欲本州

給水車

增舊唐書敬宗紀太和二年閏三月丙戌朔內出水車樣令京兆府造水車散給緣鄭白

渠百姓以溉水田

獻農具兵仗

增舊唐書僖宗紀光啓元年閏三月鎮冀節度使王鎔獻耕牛千頭農具九千

兵仗十萬

修晉書

增唐會要貞觀二十年閏三月四日詔宜令修纂所更撰晉書銓次舊聞裁成義類如修

五代史故事於是司空房元齡中書令褚遂良太子左庶子許敬宗掌其事以臧榮緒晉書為本為十紀十志七十列傳三十載記其太宗所著宣武二帝及陸機王羲之四論稱制旨焉

月令輯要

卷二十一 閏月令 月次 五

定宰臣親王班坐

增宋史禮志祥符四年閏三月太常禮院閤門言準詔同詳定閤門

使李端慤所奏閤門儀制宰臣與親王立班坐位分左右各為班首宰臣樞密使帶使相或帶郡王并使相作一行總為中書門下班其親王獨行一班者準封爵令兄弟皇子皆封國謂之親王所以他官不可參綴檢會坐次圖直將宗室使相輒綴親王蓋更張之時未見親王遂致失於講求近見朝拜景靈宮東陽郡王顥亦綴親王班竊恐未安今取到閤門儀制其合班宰臣使相在東親王在西分班立

延問京官

增通鑑貞觀元年三月閏月壬申上謂太子少師蕭瑀曰朕少好弓矢得良弓十數

自謂無以加近以示弓工乃曰皆非良材朕問其故工曰木心不直則脉理皆邪弓雖勁而發矢不直朕

始悟曩者辯之未精也朕以弓矢定四方識之猶未能盡況天下之務其能徧知乎乃令京官五品以上更宿中書內省數延見問以民間疾苦政事得失

贖魏徵故事

增通鑑元和四年閏三月魏徵元孫稠

師道請以私財贖之上命白居易草詔居易奏言事關激勸宜出朝廷師道何人敢掠斯美望敕有司以官錢贖還後嗣上從之出內庫

錢二千緡贖賜魏稠仍禁質賣

賀雨

增通鑑元和四年三月上以久旱欲降德音翰林學士李絳白居易上言以為欲令實惠及人

無如減其租稅又言宮人驅使之餘其數猶廣事宜省費物貴狗情又請禁諸道橫斂以充進奉又言嶺

月令輯要

卷二十一

閏月令

月次

六

南黔中福建風俗多掠良人賣為奴婢乞嚴禁止閏月已酉制降天下繫囚蠲稅租出宮人絕進奉禁掠賣皆如二人之請

己未雨絳表賀

制敕用黃紙

增春明退朝錄上元三年閏三月戊子敕制敕施行既為永式比用白紙多有

蟲蠹自今已後尚書省頒下諸司及州下縣宜并用黃紙

賜新及第宴

增玉海太平興國五年閏三月丁卯賜新及第舉人宴於迎春苑

敕祈雨法

增玉海咸平二年閏三月三日知揚州魏羽上唐李邕雩祀五龍祈雨之法丁亥敕

諸路令長吏

精潔行之

花亨泰

增牡丹榮辱志
花亨泰閏三月

劉威閏三月詩

增三年皆一閏此閏勝常時莫怪花
開晚都緣春盡遲節分炎氣近律應

惠風移夢得成胡蝶芳菲幸不遺

喻坦之送友人遊東川詩

增食盡須分散將行幾願
留春兼三月閏人擬半年

遊風俗同吳地山川擁梓州
思君登棧道猿嘯始應愁

閏四月

南巡狩

增後漢書明帝紀永平十年夏四月閏月甲
午南巡狩幸南陽祠章陵日北至又祠舊宅

月令輯要

卷二十一 閏月令

月次 七

禮畢召校官弟子作雅樂奏鹿鳴帝自御塤
簾和之以娛嘉賓還幸南頓勞饗三老官屬

白龍見

增晉書武帝紀太康三年閏
四月癸丑白龍二見於濟南

魏世宗生

增魏書世宗紀世宗宣武皇帝諱恪高祖
孝文皇帝第二子母曰高夫人初夢為日

所逐避於牀下日化為龍繞已數匝寤而驚悸
既而有娠太和七年閏四月生帝於平城宮

頌木魚符

增隋書文帝紀開皇九年夏四月閏月
丁丑頌木魚符於總管刺史雌一雄一

瑞鹽

增唐會要武德七年閏四月十三日長安古
城鹽渠水中生鹽色紅白而味甘狀如方印

迎玄元皇帝像

增通鑑開元二十九年上夢玄元皇
帝告云吾有像在京城西南百餘里

汝遣人求之吾當與汝興慶宮相見上遣使求
得之於整屋樓觀山間夏閏四月迎置興慶宮

醴泉出增玉海天禧三年閏四月丁未醴泉出京師
拱聖營上謂輔臣曰營卒初睹龜建真武祠

今泉出其側有疾者飲之多愈
甲寅命王欽若建觀各祥源

觀刈麥增玉海天禧三年閏四月
庚戌幸玉津園觀刈麥

玉輅旂常增玉海紹興十三年閏四月禮官請玉輅
並建旂常四輅各建所載之旂政和中玉

輅以太常大旂建於左右而去闕戟今玉輅左建太
常繡日月星辰右建龍旂繡交龍皆用青羅表裏文

繡

月令輯要卷二十一閏月令 月次 大

安邊庫增玉海嘉定元年閏四月二日戶部沈誥等
條具估籍田產命有司掌之歲收所入貿金

增充歲遺名曰安邊所
以彥橐主管安邊庫

黃河清增續文獻通考元成宗元貞元年閏四月
蘭州黃河清上下三百餘里清凡三日

閏五月

白雀見增宋書符瑞志元嘉二十二年閏五月丙午
白雀見華林園員外散騎侍郎長沙王瑾獲

以獻

罷貢枇杷橘酒增唐書德宗紀大曆十四年閏五月
戊寅罷山南貢枇杷江南甘橘非供

宗廟者癸未罷
劍南貢生春酒

罷獻祥瑞

增唐書德宗紀大曆十四年閏五月丙戌罷獻祥瑞貢器以金銀飾者還之通鑑大

曆十四年閏五月丙戌詔曰澤州刺史李鷄上慶雲圖朕以時和年豐為嘉祥以進賢顯忠為良瑞如卿雲靈芝珍禽奇獸怪草異木何益於人布告天下自今有此無得上獻通鑑大曆十四年閏五月先是諸國屢獻馴

縱象

增通鑑大曆十四年閏五月先是諸國屢獻馴象凡四十有二上曰象費豢養而違物性將安

用之命縱於荆山之陽

罷梨園樂工

增通鑑大曆十四年閏五月罷梨園使及樂工三百餘人所留者悉隸太常

月令輯要

卷二十一 閏月令

月次

充

受命寶玉簡

增鄭樵金石略治平元年閏五月二日耀州所獻受命寶玉簡赴都堂叅驗命

宰臣書玉簡以天授傳國受命之寶為文蓋漢魏間物也

賜高年爵

增玉海景德四年閏五月丙申賜高年百二十人爵為公士

用策問

增玉海景德四年閏五月四日中書門下言考試應制科陳絳等文論陳絳夏竦史良三

人詞理稍優可預召試上謂輔臣曰比設此科欲求才識若但考文藝則積學者方能中選苟有濟時之才安得而知朕以為六經之旨聖人用心固與子史異矣今策問宜有經義叅之時務王且曰文風丕變由陛下道化因命兩制各上策問而擇用之

文武班簿

增玉海治平元年閏五月辛未詔御史臺閣門舊十日具文武細書班簿以進自今

大書為冊月上之又詔樞密院季一進者亦令為冊

封諸葛王號

增元史英宗紀至治二年五月閏月戊戌封諸葛忠武侯為威烈忠武顯靈仁

濟王

作紫檀殿

增元史英宗紀至治二年五月閏月壬子作紫檀殿輟耕錄紫檀殿皆以紫檀香木

為之鏤花龍涎香間白玉飾壁草色鬆綠其皮為地衣

閏六月

月令輯要

卷二十一 閏月令 月次

壬

舍元殿受冊

增舊唐書元宗紀天寶八載閏六月丁卯上御舍元殿受冊大赦

麥秀兩岐

增宋史五行志皇祐三年閏六月資州麥秀兩岐

禾莖九穗

增宋史五行志大中祥符八年閏六月眉山縣民楊文繼印州李義田禾並一莖九

穗

妙覺集入藏

增玉海祥符八年閏六月甲辰出太宗御製妙覺集五卷付傳法院入藏得靈

山之密印冠
汾水之英辭

賜童子詩

增玉海祥符八年閏六月庚寅作七言詩賜童子蔡伯稀伯稀四歲誦詩百餘篇上

召入禁中
命爲正字

舉才堪將帥

增玉海紹興十年閏六月丙子詔三衙管軍及觀察使已上舉智勇猛畧才堪

將帥者
二人

楊萬里閏六月立秋後暮熱追涼郡圃詩

增夏欲盡頭秋欲初

小涼未苦爽肌膚夕陽幸自
西山外一抹斜紅不肯無

閏七月

徼外羌內屬

增後漢書安帝紀永初二年七月閏月癸未蜀郡徼外羌舉土內屬

月令輯要

卷二十一 閏月令

月令

主

聖德論

增通鑑貞觀六年秋七月閏月戊辰秘書少監虞世南上聖德論上賜手詔稱卿論太高

朕何敢擬上古但比近世差勝耳然卿適觀其始未
知其終若朕能慎終如始則此論可傳如或不然恐
徒使後世

笑卿也

入閣儀

增玉海太平興國二年閏七月丁巳有司言八月一日入閣舊儀軍校等不入殿庭起居

文武官至位蹑踏疾趨入沙墀再拜鞠躬不呼萬歲
望如冬至朝賀例軍校陪位拜舞禮畢先退門外序
立文武官舞蹈如
中書門下班從之

閏年圖

增玉海太平興國二年閏七月二十八日有司上諸州所貢閏年圖故事三年令天下貢

地圖與版籍皆上尚書省國初以閏爲限所以周知地理之險易戶口之衆寡淳化四年令諸州所上閏年圖自今再閏一造咸平四年職方員外郎秘閣校理吳淑言諸路所納閏年圖當在職方近者並納儀鸞司伏以山川險要皆王室秘奧國家急務周禮職方氏掌天下圖籍又詔士訓以來王車漢祖入關中蕭何收秦圖籍由是周知天下險要請今閏所納圖並上職方又州郡地理犬牙相入向者獨畫一州地形何以傳合他郡請令諸路轉運使從今閏各畫本路諸州圖一面上之每十年各納本路圖一亦上職方所與天下險要不窺牖而可知

九州廣輪如指掌而斯在從之

范成大丙戌閏七月九日登姑蘇臺避暑詩

月令輯要

卷二十一

閏月令

月次

壬

還嗟斗斜閏餘暑猶強顏新涼頗難進燥剛渴欲坵焦卷禿如熅炎官扶日輟輝赫不停運登臨有高臺勇往得三俊仍將王郎子飛步凌劫仞風從噫氣來雲作壞山陣鄉如垂頭魚忽已蟄蟲振空明晚逾清更要孤月印書生乃易與俛仰更喜慍憑闌天爲高舉酒山欲近奇書鐵鉤鎖麗句錦窠暈茲遊我輩獨難挽輒紅軻君看籠中鳥寧識成池韻

閏八月

乘輿月令

舊唐書德宗紀貞元十一年閏八月己丑國子司業裴澄表上乘輿月令十二卷

宴丹霄殿樓

實錄貞觀六年閏八月乙卯宴近臣於丹霄殿樓賜錢帛魏公諫錄宴羣臣

於丹霄殿命公圍碁賜
尚乘馬並金裝鞍轡勒

渭濱賜宴

增冊府元龜貞觀六年閏八月己巳至
慶善宮宴三品以上於渭濱賦五言詩

詔求遺書

增玉海乾德四年閏八月詔求遺書涉弼
等應詔獻書總千二百二十八卷分寘書

府

太平惠民局

增玉海紹興十八年閏八月二十
三日改熟藥所為太平惠民局

閏九月

後九月

增史記呂后紀代王後九月晦日己酉至長
安舍代邸註文穎曰即閏九月也時律曆廢

月令輯要

卷二十一

閏月令

月次

壹

不知閏謂之後九月也以十月為歲首至九月則歲
終後九月則閏月原齊東野語程氏考古編謂漢初
不獨襲秦正朔亦因秦曆以十月為歲首不置閏當
閏之歲率歸餘於終為後九月漢紀表及史記自高
帝至文帝其書後九月皆
同是未嘗推時定閏也

持節行郡國

增漢書昭帝紀始元元年九月閏月遣
故廷尉王平等五人持節行郡國舉賢

良問民所疾
苦冤失職者

木連理

增宋書符瑞志大明五年閏九月木
連理生邊城豫州刺史垣護之以聞

立甘露亭

增陳書宣帝紀太建七年閏九月甘露頻
降樂遊苑丁未輿駕幸樂遊苑採甘露宴

羣臣詔於苑龍舟山立甘露亭

觀築園丘

增魏書高祖紀太和十有二年九月閏月甲子帝觀築園丘於南郊

立四門學

增宋會要慶曆二年閏九月天章侍講王洙言國子監每科詔下品官子弟試藝給牒充廣文太學律學三館生或至于餘人即隨秋賦既而生徒散歸講官倚席但為游士寄應之所殊無國子肄習之法國子監詳定請聽學五百日方許取解釋奠陪位又國學唯七品以上子孫試補八品以下至庶人子不與致容偽妄宜倣唐制立四門學示國家育才之廣詔可

獻一角獸

增玉海雍熙二年閏九月己亥坊州獻一角獸左右皆曰麟也上謂宰相曰時和歲

月令輯要

卷二十一 閏月令

月次

酉

豐兆民安泰此為上瑞鳥獸草木夫何足云不必宣示中外

親選賜馬

增玉海雍熙二年閏九月甲申幸天駟監閱馬詔羣臣自選名馬既而帝親選賜之

歷四監而還

含芳園習射

增玉海太平興國二年閏九月十日甲申幸含芳園張樂習射

真臘閏

增真臘風土記國人亦有通天文者日月薄蝕皆能推算但是大小盡却與中國不同閏

歲則彼亦必置閏但只閏九月殊不可曉

拜日

增續文獻通考金宣宗貞祐元年閏九月朔拜日於仁政殿自是每月吉為常

閏十月

刹下銘增沈約光宅寺刹下銘序大梁天監六年歲次星紀月旅黃鍾閏十月二十三日戌寅仲

冬之節也乃樹刹元壤表峻蒼雲下洞淵泉仰迫星漢

賜瓊衾粟帛增唐書高宗紀顯慶四年閏十月辛巳賜民八十以上瓊衾粟帛

出糶增唐會要長慶二年閏十月甲寅詔江淮水旱以常平義倉出糶以惠貧民

罷貢珠增宋史高宗紀紹興二十六年閏十月丙午罷廉州貢珠縱蠶丁自便

五代史成增玉海開寶六年詔梁後唐晉漢周五代史宜令參政薛居正監修盧多遜李昉等

月今輯要卷二十一閏月令月次

同修七年閏十月甲子書成凡百五十卷目錄二卷賜器帛有差

紀錄時政增玉海開寶七年閏十月庚申判史官扈蒙言唐文宗開延英大臣論事命舍人執

筆螭頭以記時政唐明宗命端明樞密二學士修日曆近此事皆廢宜命宰輔每日紀錄詔參政多遜典

其事

浮梁濟江增玉海開寶七年閏十月己酉曹彬等入池州先是上遣八作使郝守濬率丁匠自

荆南以大艦載巨竹緝并下朗州所造黃黑龍船於采石磯跨江為浮梁或謂江濶水深古未有浮梁而濟者乃先試于石牌口既成丁已曹彬等及江南兵戰于銅陵敗之獲戰艦二百餘人

賜玉宸殿新稻

增玉海祥符五年閏十月丙子出玉宸殿新稻賜輔臣上曰禁中種稻暇

日臨觀刈獲見其勞力愈知耕農可念也并以聖製七言詩示之

神告帝統石

增玉海祥符五年閏十月丁丑作舒州瑞石符應七言詩謁謝啓聖院太宗神

御殿禮畢于龍圖閣取太平興國中舒州所獲誌公石示輔臣上作詩文作贊名曰神告帝統石

製克敵弓

增玉海紹興二十六年閏十月十八日詔克敵弓射遠徹札非弩可比降樣令建康

都統王權軍製造以習射克敵弓斗力雄勁可洞犀象貫七札

御書玉牒殿榜

增玉海紹興二十六年閏十月二十七日御書玉牒殿及殿門祖宗屬籍

月令輯要

卷二十一

閏月令

月次

庚

勝堂

聖祖降

增山堂考索宋祥符五年閏十月以聖祖降詔詣太廟行告謝之禮命置五使如郊禮

閏十一月

差官溝畎

增宋史河渠志熙寧二年閏十一月詔以府界道路積水妨民輸納命都水監差官

畎溝

詳定大樂

增宋史樂志皇祐二年閏十一月中書門下集兩制太常官置局於秘閣詳定大樂

雕羣經義疏

增玉海紹興十五年閏十一月博士王之望請羣經義疏未有板者令臨安府

雕造

泗濱採石

增元史禮樂志至元二十二年冬閏十有

聲律不協稽諸古典磬石莫善于泗濱今泗在封疆之內宜取其石以製磬從之選審聽音律大樂正趙榮祖及識辨磬材石工牛全詣泗州採之得磬璞九十製編磬二百三十命大樂令陳革等料簡應律者百有

五

郭鈺閏十一月朔日山路見梅詩

增蓓蕾微傳春信真幾回夢想玉精

神不知月落參橫處猶有孤眠惆悵人

月令輯要

卷二十一

閏月令

月次

毛

閏十二月

郎參廉選

增後漢書順帝紀陽嘉元年十二月閏月丁亥令諸以詔除為郎年四十以上課試

如孝廉科者得參廉選歲舉一人

廉選歲舉一人

請封岳

增唐會要開元十二年閏十二月百官上表請封岳手詔不從於是侍中源乾曜中書令

張說上言曰自古受命居大寶者必登崇高丘行封禪之禮高宗因文武之業盛岱亭之禮方策所記虞夏同風陛下卽位十有四載創九廟禮二郊睦九族友兄弟天平地成人和歲稔可以拜於神明矣從之

致仕官綴班

增宋史禮志乾德元年閏十二月詔自今一品致仕官曾帶平章事者朝會宜

綴中書
門下班

覆試拔萃科

增玉海乾德元年閏十二月丁卯召學士舍人內殿覆吏部試中拔萃科田可

封孫邁宋白譚利用上臨軒觀之以利用為左拾遺白著佐賜襲衣犀帶可封邁赤縣尉

擇農師

增玉海太平興國七年閏十二月庚戌詔諸道州府推擇一人練地土之宜明種植之法

補為農師令相視田畝沃瘠五穀所宜

賜冊府元龜

增玉海天禧四年閏十二月癸丑賜輔臣冊府元龜各一部

合譽星見

增續文獻通考宣德五年冬閏十二月二十夜合譽星見于九旂大如彈丸色黃白

月令輯要

卷二十一

閏月令

月次

壬

光耀有彗
羣臣表賀

宋郊閏十二月望日立春禁中作

增閏曆先春破臘寒綵花金勝寵千

官冰從太液池邊動柳向靈和殿裏看瑞氣因風生禁仗暝暉依日上仙盤須知聖運隨生殖萬國年

共此歡

王庭珪閏十二月自城東汎舟遷居城西安福寺舟

中微雪詩

增朔風吹雪江上來急槳迎風蕩不開波口雲藏伏波廟山腰霧失楚妃臺移居自

作汎舟樂抱甕還如載酒回歲晚

浮家寄何處兩溪春水綠如醅

定時成歲

原書 曆三百有六旬有六日以閏月定四時成歲傳一歲十二月月三十日正三百

六十日除小月六為六日是為一歲有餘十二日未盈三歲是得一月則置閏焉以定四時之氣節成一歲之曆象後漢書律曆志 承聖帝之命若昊天典曆象三辰以授民事立閏定時以成歲功義和其隆也

增 羅讓閏月定四時詩月閏歲寒暑疇人定職司餘分將考日積算自成時律候行移表陰陽運不欺氣

熏灰琯驗數劫卦詞推六律文明序三年理暗移當知歲功立惟是奉無私徐至閏月定四時詩 積數歸成閏義和職舊司分銖標斗建盈縮正人時節候潛相應星辰自合期寸陰寧越度長曆信無欺定向銅

月令輯要卷二十一 閏月令 政典 完

壺辨還從玉律推高明原書 終不謬委鑑本無私增 考績增 書三載考績疏三年一閏天道成人亦

闔門左扉原禮 天子聽朔于南門之外閏月則闔門左扉立于其中采史樂志 閏月御明堂闔

左扉樂以原 其月之律增 朝廟原 春秋文公六年閏月不告月猶朝于廟註 不

告月者不告朔也猶朝于廟幸其不已之詞未

大計增 周禮三歲大計疏三年一閏增 王居門原 周禮春官大史閏月詔王居門終月註 門

謂路寢門也鄭司農云月令十二月分在青

謂路寢門也鄭司農云月令十二月分在青

陽明堂總章元堂左右之位惟閏月無所居居於門故於文王在門謂之閏疏明堂路寢及宗廟皆有五室十二堂四門十二月聽朔於十二堂閏月各於時之門故大史詔告王居路寢門若在明堂告事之時立行祭禮無居坐之處若在路寢堂與門聽事之時各居一月故立居門終月

大事不用

增穀梁傳不以告朔註閏是叢殘之數非月之正故吉凶大事皆不用也

初志閏

增史記秦始皇紀宣公居陽宮初志閏月

正閏餘

增史記歷書皇帝考定星歷建立五行起消息正閏餘註鄧平洛下閏云一月之日二十九日八十一分日之四十八按計其餘分成閏故云

正閏餘也

原晉書律歷志炎帝分八節以始農功軒

月令輯要

卷二十一

閏月令

政典

三

轅紀三綱而闡書契乃使羲和占日常儀占月車區占星氣伶倫造律呂大撓造甲子隸首作算數容成綜斯六術考定氣象建五行察發斂起消息正閏餘

巡狩

原白虎通所以五歲巡狩何為太煩也過五年為太疎也因天道時有所生歲有所成三歲一

閏天道小備五歲再閏天

閏積之始

增後漢書律曆志當漢高皇帝受命四十有五歲陽在上章陰在執徐冬十有一月

甲子夜半朔旦冬至日

禘禘

原後漢書張純傳三年一閏天氣小備五年再閏天氣大備故三年一禘五年一禘

原廟加祠

增漢舊儀原廟一歲十二祠有閏加一祠皆用太牢

立中格

增宋書曆志祖冲之又改章法三百九十一

故斗有潤狹古人制章立為中格年積十九常有七閏晷或虛盈此不可革冲之削閏壞章倍減餘數則一百三十九年二月於四分之一料頓少一日七千四百二十九年輒失一閏夫日少則先時閏失則事悖竊聞時以作事以厚生以此乃生人之大本曆數之所先愚恐非冲之淺慮妄可穿鑿

太極殿

增南史梁武帝紀天監十二年春正月辛巳新作太極殿改為十三間以從閏數文昌雜

錄東晉太極殿有東西閣天子開以聽政其式列十二間以象十二月高八丈長二十七丈廣十丈悉以月令輯要卷二十一閏月令政典三

錦石為砌方庭濶十六畝至梁改製十三間以象閏

明堂重幹

增舊唐書禮儀志明堂重幹四百八十九枚按漢書章月二百三十五閏月周廻二

百五十四總成四百八十九故置四百八十九枚所以發履端之奧義象舉正之芳猷規模歷象發明章

堂高象閏

增舊唐書禮儀志明堂按書一年十二月并象閏故高一丈三尺

告閏朔

增唐書張齊賢傳穀梁氏稱閏月天子不告朔它月故告朔矣左氏言魯不告閏朔為棄

時政則諸侯雖閏告朔矣周太史頌朔于邦國玉藻閏月王居門是天子雖閏亦告朔

交替定式

增唐會要宣宗大中元年屯田奏應內外官請職田時月已準令式為定然每遇閏

月交替者即牒訴紛紜令式之中又不該說公田給用須用準程今後望請如交替者有閏即以十五日

為定式十五日已前上者入後人已後上者入前人從之

齋本月銅魚

增唐會要西蕃諸國通唐使處悉置銅魚雌雄相合各十二隻皆銘其國名如

貢使正月來齋第一魚餘月推此閏月則齋本月校其雌雄合乃依常禮待之差繆則推案聞奏

丁役加日

增唐六典凡丁歲役二旬有閏之年加二日

移閏不許

原宋史天文志嘉祐四年正月朔日食日官楊維德等欲移閏以避仁宗日閏以正

月令輯要卷二十一 閏月令 政典 三

天時授民 事不許

圭表考閏

增宋史律歷志觀天地陰陽之體以正位辨方定時考閏莫近於圭表

閏餘匏

增宋史樂志匏部有曰閏餘匏八音之中匏音廢絕久矣後世以木代匏乃更其制下皆

用匏而并造十三簧者以象閏餘十者土之成數三者木之生數木得土而能生也

閏徵閏宮

增宋史樂志中書省言五聲六律十二管還相為宮若以左旋取之如十月以應鐘

為宮則南呂為商林鐘為角仲呂為閏徵姑洗為徵太簇為羽黃鐘為閏宮若以右旋七均之法如十月

以應鐘為宮則當用大呂為商夾鐘為角仲呂為閏徵蕤賓為徵夷則為羽無射為閏宮明堂頌朔用左

旋取之非是欲以本月律爲宮右旋取七均之法從之仍改正詔書行下自是而後樂律歲月右旋

觀稼

增金史章宗紀承安二年閏月出西橫門觀稼

民用

歸奇于扚

原

易歸奇于扚以象閏疏歸奇于扚以象

策而成數以法象天道歸殘聚餘分而成閏也漢書律歷志曰五乘十大衍之數也而道據其一其餘四

十九所當用也故著以爲數以象兩兩之又以象三

三之又以象四四之又歸奇象閏十九及所據一加之因以再扚兩之是爲月法之實註歲有閏分七分

滿十九則爲閏也兩之得九十八三之得三百九十四四之得一千一百七十六象閏所據一加之

爲一千一百九十六兩之二千三百九十二

作事厚生

原

左傳閏以正時時以作事事以厚生生民之道於是乎在矣漢書律歷志註師古

曰言四時漸差則置閏以正之因順時而命事事得其序則年穀豐熟

民以物享

增

史記歷書黃帝考定星歷建立五行起消息正閏餘民是以能有信神是以能有

明德民神異業敬而不竇故神降之嘉生民以物享災禍不生所求不匱註物事也人皆順事而享福也

宜晚田

增

齊民要術凡田欲早晚相雜有閏之歲節氣近後宜晚田

琴徽

增

陳陽樂書琴徽自古十有三其一象閏蓋用螺蚌爲之

月令輯要

卷二十一

閏月令

民用

三

笙簧

增陳陽樂書笙十三簧象鳳身其簧十二以應十二律其一以象閏也

造神劔

增玉海梁武帝命陶弘景造神劔十三以象閏月

箏絃

增文獻通考箏五絃合乎五音十二絃合乎十二律而十三絃其一以象閏也

作前後月

增通考按曆法月無中氣為閏凡閏月節前作前月用節後作後月用

桑葉洗眼

增養生雜纂洗眼方每年立冬日採桑葉一百二十片每遇正月初五二月初一三

月初五月初八五月初五六月初七八月初八九
月晦日十月初十一月初十二月初八
煎湯澄清洗眼光復童子輕者不待一年如遇閏月
加取十片照前月期洗之凡洗日必齋戒忌葷酒

月令輯要

卷二十一 閏月令 民用

言

物候

失閏有蝨

原春秋哀公十有二年冬十有二月蝨注雖書十二月實今之九月司歷誤一月九月之初尚

溫故得有蝨家語季康子問於孔子曰今周十二月
夏之十月而猶有蝨何也孔子對曰丘聞之火伏而
後蟄者畢今火猶西流司歷過也康子曰所失者幾
月孔子曰於夏十月火既
沒矣今火見再失閏也

梧桐知閏

原遁甲書梧桐可知閏月無閏生十二葉
一邊有六葉從下數一葉為一月有閏則

生十三葉視葉小

者則知閏何月

黃楊厄閏

原卑雅黃楊木性堅緻難長俗云歲長一寸閏年倒長一寸增本草綱目黃楊不花

不實四時不凋其性難長俗說歲長一寸過閏則退今試之但閏年不長耳蘇軾詩園中草木春無數只有黃楊

厄閏年

藕節

原卑雅藕生應月月生一節閏輒益一

苾菰

增爾雅翼苾菰種水中一莖收十二實歲有閏則十三實

牡丹花小

增爾雅翼牡丹遇閏歲花輒小

鳳尾

原羽毛考異鳳尾十二翎遇閏歲生十三翎今樂府小調尾聲一十二板以象鳳尾故曰尾聲

月令輯要

卷二十一

閏月令

物候

壹

或增四字亦加

一板以象閏

欖欄

原石室奇方欖欄俗名棕披其木最堪為屐其木應月生片棕遇閏則生半片歲長十二節閏

年增

半節

和山花

增雲南志和山花樹高六七丈其質似桂其花白每朵十二瓣應十二月遇閏輒多一瓣

俗以為仙人遺種

優曇花

增雲南志優曇花在安寧州西北十里曹溪寺右狀如蓮有十二瓣閏月則多一瓣色白

氣香種來西域亦娑羅花類也

黃楊木

苾菰

鳳尾

欖欄

莫餘青

增元稹數莫詩辨時
長有素數閏或餘青

閏月花

原戎昱詩山帶新
晴雨溪流閏月花

占驗

元歲閏

增漢書律歷志日法乘閏法是為統
歲三統是為元歲元歲之閏陰陽災

推閏

增紀歷撮要要知下年閏且看冬至後幾日剩
原齊東野語推閏歌括云欲知來歲閏先算至

之餘更看大小盡決定不差殊謂如來歲合置閏止
以今年冬至後餘日為率且以今年十一月二十二
日冬至則本月尚餘八日則來年之閏當在八月或
小盡則止餘七日則當閏七月若冬至在上旬則以
月令輯要卷二十一閏月令物候

望日為斷十二日
足則復起一數焉

大慶兆

增玉海祥符三年閏二月壬子翰林天文邢
中和言正旦至二月終日珥赤黃者十七青

赤者九冠氣八承氣六戴氣五日有黃色三五色雲
見一背氣三占日國家有大慶之兆願進賢恤刑治
兵經武其間背氣
宜謹邊防上嘉之

少蟬

增研北雜志舊說閏
年少蟬驗之信然

雜紀

建申失閏

增左傳襄公二十七年十一月乙亥朔日
有食之辰在申司歷過也再失閏矣註謂

斗建指申周十一月今之九月斗

當建戌而在申故知再失閏也

辨門閏原左傳晉人不得志于鄭以諸侯復伐之十月癸亥門其三門閏月戊寅濟於陰阪註

以長曆參校上下此年不得有閏月戊寅是十二月二十日疑閏月當為門五日五字上與門合為閏則後學者自然轉日為月晉攻鄭門門各五日自癸亥至戊寅凡十五日也張鷟文辨門閏之非察陶陰之

謬

三足烏

增魏書靈徵志太和十五年閏月濟州獻三足烏

以臘為閏

增唐書曆志永昌元年十一月改元載初用周正以十二月為臘月建寅月為一月

月令輯要

卷二十一

閏月令

雜紀

三

神功二年司曆以臘月為閏月而前歲之晦月見東方太后詔以正月為閏十月是歲甲子南至改元聖曆通鑑神功元年冬閏十月先是曆官以是月為正月以臘為閏太后欲正月甲子朔冬至乃下制以為去晦仍見月有爽天經可以

今月為閏月來月為正月

皇極得積數

原樂律志洪範皇極有八十一圖又作八十一卦共六千五百六十一卦一卦

當一分九十卦作一候餘九十分以為冬至之重數夫九十分不足五日四分日之一當添一十三分五

釐以為閏不可以為重也其數與太元適合蓋太元得律之縱數而洪範皇極得律之積數也

添躋贏二贊

原樂律志太元之數全是律呂洪範皇極之數全是太元太元有八十一首一

首有九贊共七百二十九贊當七百二十九分二贊當一日十贊當一候餘九贊不足四分日之一故又添踰贏二贊以爲閏

以足其數而律曆行

閏年

增李商隱河內詩八桂林邊九芝草短襟小鬢相逢道入門暗數一千春願去閏年留月小

熙寧改閏

增夢溪筆談開元大衍曆法最爲精密歷代用其朔法至熙寧中考之曆已後失五十餘刻而前世曆官皆不能知奉元曆乃移其閏朔熙寧十年天正元用午時新曆改用子時閏十二月改爲閏

正月

改爲閏

磬法月數

增夢溪筆談國史纂異云澗州曾得玉磬十二以獻張率更叩其一曰晉某歲所造

月令輯要

卷二十一

閏月令

雜紀

五

也是歲閏月造磬者法月數當有十三宜於黃鍾東九尺掘必得焉從之果如其言此妄也法月律爲磬當依節氣閏月自在其間閏月無中氣豈當月律此懵然者爲之也扣其一安知其是晉某年所造既淪陷在地中豈暇復按方隅濈濈取用乎閏月十二尺寸埋之此欺誕之甚也

賜石湖字

增范成大跋御書石湖下方淳熙八年三月庚戌制書擢臣居守金陵閏月丁亥朝

行在所庚寅辭後殿翼日既望詔賜賜清燕苑中皇帝親御翰墨大書石湖二字以賜天縱聖能游藝超絕典則高古如伏羲畫體勢奇逸如神禹碑日光雲章垂耀縑素環列收觀禁籞動色臣驚定喜極不知扑蹈謹奉觴上千萬歲壽奉寶書

榜葛刺無閏

續文獻通考榜葛刺本忻都州府西天東印度也曆有十二月無閏

晉閏月折楊柳歌

成閏暑與寒春秋補小月念子無時閑折楊柳陰陽推我去那得

有定主

唐明皇首夏花萼樓觀羣臣宴寧王山亭回樓下又

申之以賞樂賦詩并序

前月之晦細雨飄風繁絃中止列席半醉佳辰易失絕

興難追良可惋也今年帶閏節候全晚暑氣猶清芳草未歇申布雅意復敘初筵披樂善之邸坐忘憂之觀東郊跬步南山在目足以締夏首之新賞補春餘之墜歡今年通閏月入夏展春輝樓下風光晚城隅月令輯要卷二十一閏月令雜紀

五月

燕賞歸九歌揚政要六舞散朝衣天喜時相合人和事不違禮中推意厚樂處感心微別賞陽臺樂前旬暮雨

飛

李賀閏月樂詞

帝重光年重時七十二候迴環推天宮玉琯灰剩飛今歲何長來歲遲

王母移桃獻天子義氏和氏迂龍轡又學齋佔畢唐人作詩雖巧麗然有淺陋可笑者如李賀十二月詞又有閏月一首其中一句云天宮葭琯灰剩飛是以閏通為十三箇月也不知葭灰之飛每月只是一次而閏無中氣雖置閏之年亦只是十二箇月二十四氣節候無十三箇月氣候之理今官曆自可見葭琯豈有剩飛一月之理乎

白居易早秋書事詩

增夏閏秋候早七月風騷騷渭川烟景晚驪山宮殿高

方干閏春詩

增幕幕復蒼蒼微和傍早陽前春寒已盡待閏日猶長柳變雖因雨花遲豈爲

霜自茲延聖曆誰不駐年光

張季友閏賦

增閏之所起自曆而推得餘日於終歲爰稽候以正時其始也日之行而疾月

之行而遲躔次周流運將窮矣豪釐舛度失是遠而不歸餘何以定一歲之曆不小正何以序四時之紀於是太史授事義和敬理以日繫月積三年而成原始要終豈周月而已天時由之而式敎國令於焉而合軌春生夏長不失其常東作西成孰知所以雪應冬而絮落雲識夏而峯起秋之夕湛露爲霜春之朝

月令輯要

卷二十一

閏月令

雜紀

早

堅冰爲水豈不以律之克中閏之匪虛以風以雨今各得其序曰寒曰燠今無悖於初國家握乾符正律書契洛下之言算定乎一日之設考容成之律閏生乎卒歲之餘故得氣正於今律移於昔履端於始節乃差而匪差歸餘於終日雖積而不積吳天之曆象咸若重黎之職司有辟候月盈缺豈資蕞莢而知推日短長不假土圭而測且夫夏有伏冬有臘匪閏則其氣不順月有縮日有盈匪閏則其氣不成故有慢時廢朔則日不常無藝闔扉聽政則日假時來歲歷前古之所重綿後王之取制矧可昭翼翼扇巍巍百王之理是倚庶績之廣焉依丕赫哉我后之正時定歷堯典而同歸

月令輯要卷二十一

閏月令

雜紀

